

元邵復筠著藝芸書舍藏本

藏術詩選

藏

蟻術詩選目錄

一卷

五言古風

秋懷

次韻王彥強監稅中秋不見月

又次九日韻


夏夜

夜

謁青龍文廟

和孫果育先生曉行池上韻

晚望五側體



齋居讀書傲晦菴先生體二首

早春次陸伯弘韻

陳元茂別去十年扁舟由山陰來有詩叙懷

次韵識喜二首

用上人萬玉軒

上武陽太守汪公國良

公新安人善文詞書翰

次宇文子貞別駕見貽韻

熏自聞上人禪房與陸伯弘暮坐偶成

全真師鄭無用北遊

午日曹雲西翁厚

堂分韵玉字

秋懷擬古用黃伯成韻

黃仲珍會試回潘省中有詩留別沙德潤任

以南皆次韵持來求予著語

德潤以南又賦以適遠興再和為答

贈經筵檢討太原陳敏夫

四月十七日偕張彥聖陳景曾李道原郭與

仁倪自明遊東岩蘭若分韵得夏字

彥聖次予夏字韵見貽乃亦次彥聖孟字韻

為答

彥聖再用夏韻見示又和以復

再用前韻與彥聖景曾論詩

景曾和孟夏二韻見貽復用孟韻追道向者

泮林聚首出處之誼

僕年來塊處閭閻緬懷平昔託交粗多然意
氣相期者指不多屈曰景曾詩中論及交
道就韻以懷數子隔絕

送傅子初先生之信州錄事

題傅伯玉來青軒

瑞閒雲開士雲深處

昨以青鏡褐帶寄郭志道先輩暇日貽二詩

以彰所貽不啻引玉之慚次韻為答

春晴次申屠仲權進士韻

申屠仲權與曹安雅翁為五側詩以論進學

之道持來屬予和韻

送錢思復之海鹽州教授

庠子歲暮飲曹園古梅下分韻得動字

有探得暗字者辭以韻拘閣筆主席者求予

補卷

曹孺章得岸字韵時方從軍求予擬作此亦
梅花之變風雅也

庠子歲暮風雪極寒入春兼旬餘凍不解殊
無春意青龍鎮文學林子敬相拉飲於鱸
堂約共擬催春之作

奉寄海鹽知州李正卿先生

贈星數術士陳秋巖

田家四時詞為九山學稼軒作

戊申仲冬兒穎為館人所連得罪繫獄朋遊

咸謂必老夫叫閤乃可昭雪由是衝寒扶
僊戒途凡越旬始抵石城道間記所見得

詩如左

澱湖

吳門

新安鎮

沙湖

義興

前馬鎮

溧陽

七里山

分界山

官塘

白府君廟

謝亭岡

青梗

金陵

壽靈源上人遊方

錢塘林子文以星術醫藥畫筆遊食江湖為

題行卷三首

幼女嫠居澄江無後可托親往載之以歸庶

盡父子之道且得縣宰給以公文沿途無

關譏之虞丙辰歲月廿一日出關宿城南

屠家鎮逆旅中夜分枕上紀述示舟中同

行者

寄贈潁上縣令車則明會稽人小兒潁以罪

遷彼此公知其非臯每加眄睐

贈寫神王鑑堂

寄南金絕句

夢中紀遊

題窠石絕句

金錯刀竹

二卷

五言長律

貞溪寒望

至正庚辰歲暮大雪同孫果育季野衛立禮

三先生分韻賦禁體得天字二十韻

太原秦景容肄業胄監以春秋經中大都鄉

魁有田在海隅至正壬午秋以收稻至雲

間錄示近詩和韻復其來意二十韻

送松江太守楊公正秩滿歸太原

悼趙士弘先生

宋宗室與先人同戊子生

錢南金往歲胥會嘉禾紫虛觀近聞館於澱

湖謝氏經年隔絕寄詩問訊二十韻

辛丑早春和顏仲逸新正試筆韻

客居感懷寄簡吳野舟四十韻

邾仲誼博士久別重見以詩叙聞依韻之二

十韻

追悼南金錢文學二十韻

乙卯立秋日客舍紀懷二十韻時長兒克穎

遷于潁水幼兒克淳没于濠梁故園凋落

殘生茫然不能無感於天時也

三卷

五言短律

陪孫果育先生遊干山次韻三首

題圓智寺

懷古太初書記

贈壽南麓上人

辛巳歲元日雨雪中飲曹雲西翁家次翁韻

錢南金往海鹽省母阻風歸遲用曹雲西翁

懷之

寒食次雲翁韻

還家舟中口號

荅宣伯藜孝廉見寄韻

丁亥臘月廿八日立春雲西翁有夜枕之作

詰朝置酒餞歲次韻以復

橫泖客舍立秋日

橫泖雜言二首

客舍早春

寄南金

哭劉希孟先生

無錫東屯和朱梅山司丞韻二首

歲暮九山道中二首 橫溪夜思二首

挽衛立禮先生二首 泗涇雜詩四首

次韻荅馬本勁賢良見寄

俞山月用韻叙舊如韻荅之

早春用前韵述懷錄似馬俞二友

城樓雨夜

歲暮
丁未

已酉春金陵旅舍和蔡君立程傳可二友韵

奉酬錢曲江見示韵
漫成二首

春日橫溪
哭王子章先生二首

挽謝德嘉同知二首

和襄陽縣宰沙德潤春遊韵

四卷

七言古風

昭君出塞圖

松居圖歌為會稽陳元茂賦

畫梅行會稽王元章惠以墨梅且題其上依

題酬之

玩古行武川唐允文蓄古圖画碑刻金玉鼻

鼎及諸器物一室中名之曰玩古齋

桃源圖歌

答唐元度惠艸堂詩陽羨茶

旅秋行次韵答錢南金所寄知近寓秀水僧

寺

題許守中太和丹室

四皓圖歌

澹滄漁叟引為樵李蕭養素賦

張氏三味軒歌

穀江行三衢之江山常山二水自須溪金川

合流交錯如穀故名穀江潁上文學掾徐

景顏居於其間自號穀江漁隱云

灤東畊隱歌為烏溪黃成章賦近在潁庠分

教

五卷

七言排律

汪太守壽席同諸老分韻得蘭字

寄孤山和靖祠堂葉掌祠

曹安雅翁新營灤東莊

六卷

七言八句

冬桃

苦梅

出遊別溪上親友

次韻王彥強客懷

江城暮春書事

次韻安雅翁亭屏榮悴松圖

寄錢素菴鍊師、雲間南城大族

寄錢南金孝廉

奉寄熏自聞上人併謝槐葉冷淘之款

挽會稽呂勉夫先生咸平宰相申國公九世

孫也

次韻曹雲西翁雨牕述懷時故里大水

題徐中孚高士代祀武當桃源中朝諸公詩

卷

孤山新建和靖先生祠

暮春次南金韻

題錢素菴鍊師封雲室

又可月亭

謝王伯靜惠葛巾

東永嘉裴日章進士

次南金見寄韻

寒食雨中

奉王眉叟真人二首

簡唐復齋徵士

簡吳太然高士

簡楷則中書記

簡黃魯德秀才

簡賢大愚座元

送張茂夫之南安縣尹其父嘗為翰林學士
早春錢南金用陳景曾韵紀會

次韻孫果育先生海鹽茶園道中作地名夾
山有金粟寺試茶院錢南金嘗約予遊未
果

次孫果育先生觀海韵

乙酉歲人日聞雲端師過訪得唐復齋錢南
金賢大愚各以倡和之詩見寄因就韵各

答一章以當新春問訊首答聞雲

重東南金

頻年與陳景曾分教泮宮去秋竣事新春景
曾有詩見寄次韵為答

送吳景高廣文秩滿歸永嘉

次李太無鍊師見寄韵

次韵謝戴彦李先生

其父帥初先生與先大夫同登咸淳辛未榜

遊吳中靈岩寺

歲暮寄南金時在苕涇積善寺

哭李仲輿隱君

題吹笙人詩卷

海濱何隱齋靜得軒

辛卯歲臘月大雪次曹安雅翁韻

海濱何氏攬秀樓

新春答陸伯蒙見寄之韻

答明心印上人約遊澱山寺

石湖圓覺中半雲法師和前韻見寄再韻答

之

橫泖客舍二月陰雨兼旬無朋游詩酒之樂

花木禽鳥之觀不能不動貞溪之想賦以

紀懷

次韻答曹升範春日感懷

早春潘濟民遠過客舍以詩見示和韻為答

紅梅

贈王同僉

次張漫亭雲溪菴晚望韻

挽錢素菴鍊師

和倪德中見寄韻

清明日陪王同僉遊馬跡山

次韻焦漢章胡景仁見貽之什

過千山答孫果育先生見示之韵

寄馬敬常冠軍

辛丑七月一日寓橫溪觀迎引大士經會酷

暑鬱蒸廣庭露坐忽晚雲送雨神氣始蘇

唐元度有詩見示回口占以復

次答海慧上人見寄韵

漫成用楊廉夫韵 寄鄉人魯道原贊府

懷澄江鄧毅夫帥叅 寄馬文壁徵士 画得

簡崑山慧明極上人 善詩文 隸古

答馬敬常冠軍見寄韵

答張孟膚見寄韵 孫長慶小山招隱

曹幼文遺安室

錢思復寓泖濱見荷花憶西湖遊賞有詩述

感書以求和步韵復命 再和

七夕思復韵 再和

癸卯元日與南金感舊而作

張孟膚過余故里有詩寫曹雲翁西園景物

不覺起余舊感向來文物荒蕪殆盡前輩

典刑邈不可見行樂之地間存遺跡長厚
之習則掃地矣不能已於言也

青龍任氏母貞節堂

楊廉夫受吳門賓館諸公餽餉為詩自述且
求友朋屬和次韵答之

甲辰元日次成元章韻

早春過曹雲西翁舊園

次錢思復寒食懷錢塘韻

送勤無逸上人乳後歸西湖復業

丁未元日和夏頤貞韻

曲江居士特以險韵與倪雲林論方外事和
者閣筆余適自外歸持來求正戲為下一

轉語

次元博弟初度自壽韻

和楊鉄崖曹園感懷韻

宗上人芝山小隱

俞子昭見寄舊懷新感藹然言意之表次韻

奉酬

用曹新民韻感曹雲西翁園中老梅
歲晚訪陳景曾于金澤几間有新詩信筆和

韻以述會合

次韻吳野舟見寄

新春和徐澹然處士韻

俞遂良有遊九山之約借韻促之

奉酬夏時可文學早春之韻

澹然時可遂良三君子皆有春游之興借韻

訂之

贈嘉定普福宮秦東海高士

送陸伯翔往金陵授業侯門

贈理即中上人禪學之外尤明丹法

九日橫溪客舍

賦同門友葉子澄春星堂

又賦子澄雪篷軒

甲寅至日在橫泖客舍憶存沒二子

和錢思復過真淨旭公房所作

秋日過余山

答胡克溫惠藤枕

又鐵冠

感橘

黃岡賈彥德碧梧軒

賦鄞士梅隱

七卷

七言絕句

見梅懷錢南金

早春駕湖夜泊

晚晴二首

小鬟以墨海棠為名友人張子正為之画以

求題

七夕孫果育丈席上有詩首句約坐客各續

卒章為賦如左

題演上人畫蘭

題危鍊師春溪小泛画

題黃一峰画扇

陪曹雲西翁携妓泛荷舟中次韵

明日曹安雅翁約席上諸公再放蓮塘席間

次韵

次韵答衛立禮元旦之作

桃源畫卷

松竹卷子

雪山便面

春日
和錢南金韻

次答汪子翼進士嘗為采石山長三衢學正

同曹雲西翁泛舟過千山

賦孫果育丈千山小隱

即景

次張漫亭遣興四首

從軍過太湖上梅花正開與顧允中趙君式

登山縱步和韻三首

挑菜美人圖

和錢思復春日口號

己亥二月晦日寒食無錫東屯舟中漫成

客樓春日

西湖小景扇

香雲室

題曹元博壁間馬文璧小畫

題項鍊師山房倪元鎮小畫

題夏頤貞所藏王眉叟真人馬遠溪月堂卷

題扇寄鄒君顯
君顯答賦再韻以寄

一峯道人畫九山雪霽

題墨竹

李雲山畫秋林晚步

梨花十二紅

夏士安家董元小寒林

辛亥中秋橫溪菴客牕對月口號

桃花五色子

橫溪晚步

懷野舟客

停簫士女圖

息齊李使君自號廣陵醉客其守吳興日郊

行見民家小湖石名蓮花峰玲瓏奇秀求

之弗獲乃画為圖且書其意以識不忘客

有持以求題者

杏花宮女

柳陰宮女

牡丹宮女

蒼蘆宮女

秋懷故溪

元日試筆

上巳日泊舟崑山縣城北十里顧墓田家風

暄日麗野花亂開邂逅父老為設尊俎相

率縱步春興橫生乃為短述以紀所見

曹園看梅

貞溪初夏次南金韻

八卷

會合聯句

至正改元余寓虎林三閱月南金授業茶院

孟冬余歸而南金亦還溪上夜坐縱談念
會合不可無述以紀此會四十韻

編校遂生亭聯句 有序

舟中聯句



二

蟻術詩選目錄畢

蟻術詩選卷之一

元雲間邵復孺著



明新都汪 稷校

五言古風

秋懷

金風應商節庭樹生秋聲况復踈雨過莎雞振前楹
客居在城市明從少合并雖無山林賞乃亦無俗情
芳時屢消歇身世坐無成廣庭散短策逍遙塵慮清
陶然發孤詠聊復遂平生

皎々青樓月流光照幽樹當時樓中人邂逅感相遇
娟々耀華年粲々美風度黽勉在同心誓言金石固
離居幾何時玄髮各已素豈無陽春心去々若朝露
芳馨苟不存臨風歎遲莫

依々漢南柳秋至多悲風搖落在一息坐此颯爽中
衰榮有天運物力詎能攻桓公豈不偉乃亦歎其窮
嗟哉山林子出處將無同

今日秋雨霽廣陌后土乾出戶欣所矚紅塵滄海寬
宕子此行樂朱顏撫雕鞍

次韻王彥強監稅中秋不見月

高樓有佳人長歎惜流景漫々夜何其耿耿愁莫省
昔為陽春花今媿明月影徘徊望雲端悠然素心冷

又次九日韻

佳節坐無緒行憩嘉樹陰秋花澹相對慰此遲暮心
悠哉美人遠輾轉相思深天風日夕起長歌良不禁

夏夜

紈扇寄晚興竹牀生夜涼大星在南極新月照東廊
稍隔葦泖路遠懷荷芰香夜深屢移枕清漏一何長

林端鵲尋巢屋角螢照席風生銀漢涼雲散玉露滴
坐久氣益蘇心靜神自適鄰鐘忽迢遞相與破幽寂

夜

月白霜滿地山家寒未眠人影在門外梅花遠牕前
村春自斷續成柝相後先沈吟惜良夜那能遲步年

謁青龍文廟

鎮市近東海人煙迷遠郊前朝有勝迹遺碣在荒茅
民識青龍艦樹傾黃鶴巢崇臺近僊路擬尋王可交

地有王可
交升仙臺

雪落暮潮上雲橫春樹迷刺船龍江口解榻鱸堂西
舍采重典禮采芹留品題風塵正旁午教養詎可稽

和孫果育先生曉行池上韻

逍遙碧梧井顛倒白苧裳荷淨雨初過水清心益涼
晨風却羽扇秋意滿藤牀了無塵中趣良以遂行藏

晚望五側體

出戶縱兩屐略約不可度興到意未適且復信晚步
野景頓慰目萬壑倏已莫興盡始欲返解后有所遇

父老謂有役耒耜出遠路況乃積水涸岸脚稍復露
觸物即勝賞暫爾釋俗慮竚立望不極暝色亘綠樹

齋居讀書倣晦菴先生體二首

端居掩柴門四月忽已暮物色催年華綠陰滿高樹
雨除軒牕靜宴坐屏百慮清風激然至好鳥聲亦度
爰茲羣芳秀幽景欣所遇瀟洒契心賞澹焉忘世故

清溪一雨過沃野桑麻成屬茲長養節慨彼少壯情
庶類各有適微生漫無營窮居在田里胡能事虛名

俛仰徇幽獨微吟散新聲百年摠役々且復遂吾生

早春次陸伯如韻

春生海岳菴冰消建安瓦山鐘隔遙林漁篋散寒野
遠客忘馳驅懷人賴陶寫書燈尚鄰雞塵陌已官馬

陳元茂別去十年扁舟由山陰來有詩叙懷

次韻識喜二首

向來秋懷詩絕響斯寡和憶君鼓朱絃對客汎白墮
歌長竹間醉興盡花下卧有時舞婆娑褰衣綠陰破

契闊日以邁交道日以虧
緬懷載雪舟放情換鵞池
山川固無恙觴詠長若茲
流水日東逝何以寓相思
用上人萬玉軒

琅玕遠禪室坐卧空翠間
誤疑篔簹谷携入藍田山
戒衣蒼雪乳談塵清風還
何當往擊節亦以香巖關

上武陽太守汪公國良

公新安人善
文詞書翰

我：紫陽山高廣出奇觀
千年喬木存蒼翠拂雲漢
名家多世臣冠蓋恒煥爛
道統自考亭事業擅藩翰
朱絃清廟具一倡起三歎
謝庭固多才王羣足渙汗

能書事魏晉筆陣妙莫傳
清絕籠鵞經窈窕臨河篇
神交千載上八法日以全
錐沙得利器墨沼龍蛇騫
向來鮮與趙已擬摩其肩
記名金石間良以永斯年

春風滿庭戶三槐日芬芳
雨露足生意清陰蔽高堂
彼美蘭蕙花婉戀有國香
良時拜家慶綵衣列成行
孔庭富詩禮竇氏多義方
懿哉德星聚霄漢生光芒

次宇文子貞別貞駕見貽韻

冷々苔雪溪清泚世莫比中有泗濱磬籍七韻人耳
采之貢廊廟秀發鉤天微願言正始音行贊元化理
鯤溟多化鵬鷄羣有孤鶴偶茲樊籠困所志在寥廓
豈無青冥姿迢遞若溝壑知音苟不存清暖何由作
熏自聞上人禪房與陸伯弘暮坐偶成

郊居絕勝賞性僻如自然時俗非所趨方外若有緣
况茲蘭若幽坐榻臨清泉飄然縱心目問法得老禪
丈室頗蕭散妙語開玄々西牕綠陰靜林麓含雲煙

逍遙接清景塵俗詎能牽

全真師鄭無用北遊

往昔柱下史翩翩跨青牛示彼衆妙門契此玄學流
後來羣仙籍往々在北州至今燕趙間斯道良可求
鄭師宦門子氣寤業乃修行當得所遇逝將與之遊
稽首謝埃壒長嘯崑崙丘

午日曹雲西翁厚堂分韻玉字

仲夏暑氣微嘉樹藹深綠詠歸衡門下逍遙清溪曲
屬茲午日至悠然對醞醕親戚恒舊歡荆楚尚遺俗

飲罷仍太息歲月傷局促世情苟驅人毋使隨轉燭
願言各自愛重之若金玉

秋懷擬古用黃伯成韻

悠悠涉塵世冉冉傷流光來者日紛靡逝者日微茫
已秋不可春一夕百草黃羣動悉偃蹇孤懷良慨慷
幽期在空谷於以觀翱翔相看且慰意歡樂未渠央

黃仲珍會試回藩省中有詩留別沙德潤任

以南皆次韻持來求予著語

美人善窈窕長年抱幽素迢迢溯飛鸞昵昵眇盟鷺

蹇修無裏言良人昧情度歡娛在一息胡然藐雲路

膏雨下灌木春雨濯文荇美人遵江阿中心忽秋冷
昔期朝雲臺今若中流艇終焉蓬蒿姿慎勿歎宵永

德潤以南又賦以適遠興再和為答

清景日以邁玄髮日已素遲迴置鴻鵠曠蕩狎鷗鷺
何慚魯淳朴頗適晉風度長歌招隱辭延佇淮南路

離々原上蘭泛々漢中荇春陽豈所私夕露寧獨冷

誰其念遠人采之寄孤艇曷若遂其息芳馨與時永

贈經筵檢討太原陳敏夫

并州古名郡盤踞山河長禮樂盛姬晉民風本陶唐
清泚多名家軒蓋相低昂有美元龍豪喬木以芬芳
中宵德星聚文采遙相望

盛朝尚文治機暇事探討春明御延閣六籍互稽攷
我：貂蟬列經邦坐論道之子初明經盛年致身早
晝永掄對休揮灑更文藻

四月十七日偕張彥聖陳景曾李道原郭與

仁倪自明遊東岩蘭若分韻得夏字

客居寡歡樂奄忽歲云夏會合無前期偶爾遂閒暇
追隨二三子遊憩東岩下杖藜足幽討奚必整夙駕
野色隔市橋塵氛絕僧舍屬茲長養節灌木色相射
清賞欣所遇置酒此軒榭談玄岸鳥巾林鳥亦驚詫
人情脫城郭矚眼仍自訝我生頗宏放久矣觀物化
世道苟難趨端合返耕稼逍遙柴桑廬良以竟晨夜
彥聖次予夏字韻見貽乃亦次彥聖孟字韻

為答

浮生羨楚狂適意類優孟豈惟事文華矧復慎言行
暇日得朋從游心在觴咏睠茲蘭若幽爰爾林麓淨
登山竹有題俯檻水可鏡起坐情共真嘯語氣益勁
追尋往事改悵望前修夙論文浩無算行酒肅有令
居然豁塵襟恍若蘇久病了無物我情坐見夙昔性
杯盤既狼籍步履互斜正重游當及時山中筍猶盛

彥聖舟用夏韻見示又和以復

我家住清溪嘉木藹朱夏耕鑿頗自適藏修有餘暇
中有韋氏傳素出孔壁下鄰好皆相歡興到輒命駕

從容歲時禮往來東西舍鬢髮總好書冠首或能射
暄風登春臺涼月嘯秋射衣裳時使然登望俗所詫
縱非桃源深亦有漁舟訝樂矣忘吾憂逝將與之化
維時已種秫卒歲競登稼期君艸堂遊剪燭巴山夜

再用前韵與彥聖景曾論詩

騷壇有清音翕若奏韶夏宮商相激昂合止適休暇
一倡每三嘆萬籟風斯下夜深鳳來儀屢飭緱嶺駕
飄風忽大和桑濮俱退舍初疑矍相圃妙中見奇射
再疑廣寒宮羽衣滿臺榭品題得賞音終然匪虛詫

所貴正始音不受淫哇訝采之貢清廟自足驗風化
陽春與白雪生意在禾稼行當集大成鏗鏘振良夜
景曾和孟夏二韻見貽復用孟韻追道向者
泮林聚首止處之誼

陳子冬日温可愛若趙孟不競聲利場浚容抱傳行
我昔遊泮林屢歌伐木咏識君稠人中心若止水淨
揆余素暴白相照兩明鏡君如雖處囊不屑露鋒劔
我猶絀尚錦韜晦極深復折胷鄉里兒終媿彭澤令
一朝共引退似失膏肓病臨川濯我足逍遙遂天性

重逢無厚顏自謂出處正願言若松柏保此歲寒盛
僕年來塊處問閭緬懷平昔託交粗多然意

氣相期者指不多屈回景曾詩中論及交
道就韻以懷數子隔絕

走昔重交際流汗若炎夏結納天下士寢食若不暇

蜀王藐餘子卧之百尺下王彥強晉秦早穿楊近命

武昌駕秦景容傅子經濟才多士避三舍鄱陽人有

美彭城宣雄辯氣如射宣伯錢郎早明經翰墨照

臺榭錢南金落落東甌陳特達眾所詫陳元禮雙湖

王文學識晚互相訝
王昌言
樵李人平生此數子
曰之氣質
化况茲得孟公
根莠見良稼
闊絕殊有懷
起舞鷄鳴
夜

送傅子初先生之信州錄事

去年十月交冬淺
寒輒返客居江城
館燈火在風露
君從錢塘來舍舟
縱遊步一見心為
開門勞出情素
番陽與雲間相望
千里路會合匪偶
然况是夙所慕
江左古世家
粲々美風度
射策衣繡歸
春生五陵樹
文章天機錦到手
眩昏瞽坐談極
疇曩歡然獲知遇

自冬更徂春不問朝夕
晤君於稠人中走獨心
所寓傳舍稍密邇泥濘
亦枉顧開卷析疑義
沛然決東注賞音風雅
間神會見天趣平生耿
々懷不為流俗具
曰君頗呈豁欣快未易
喻誓將與此老結納視
親故歎洽豈有極忽復
報瓜戍錄曹雖民職未
足展抱負行者崇令德
政化藹先務分違坐契
闊引領不可遯中年別
親友作惡若深忤梅風
彭蠡寬歸鷁慎速渡
後約仍綢繆中情尚能
賦芳洲蹇誰留懷哉美
人暮

題傅伯玉來青軒

走昔重慶下總角拜而翁聞之祖父言此老臭味同
與我為世契家在兩山中聞山在何處僻近滄海東
先生隱其下邃若盤之宮開軒納蒼翠獲螺鬱芻茹
拄笏以致之嵐氣浮雲濛雲牕筆硯濕雨檻尊壘空
春花與秋艸四時自青紅夏暑熟桃李歲寒斂禾種
門深俗駕返迴有前賢風茲來三十載念之感吾衷
先生雖隔世有子傳箕子家禮一經在未覺吾道窮
況我與伯玉少小相磨礱及茲坐遲暮鬢髮各已蓬
手澤敬所存矧敢弛前功青山不改色軒檻猶玲瓏

排闥匪寓言生意那有終何以志不朽立言在諸公
顧惟通家好詎能忘效忠泥塗適偃蹇物理還窮通
善保堂構心禮法慎爾躬方來當有振鑒此以自崇

瑞閒雲開士雲深處

高人悟般若斂步問棲息冥然百念靜隨處可面壁
况茲故山深雲氣窈無極雖在三界中若與塵世隔
向來出山時千里縱杖錫西山醫王城北峰文殊域
雄峯快南游玉几眇東歷周流歲年邁冥然屏心迹
歸來白雲在此見非舊識出山固無心在山那有役

雲我今兩忘有相同木石山河眼底華無復著五色
是雲本不深聊寓幻化質今茲大自在所向固不適
此中有妙趣欲語難自析我生墮世網性本慣幽寂
終當從之游瀟洒共朝夕復此清淨根直指不容力

昨以青鏡褐帶寄鄧志道先輩暇日貽二詩
以彰所貺不啻引玉之慚次韻為答

客從渠國來遺我火齊銅蛟螭結其背文藻交青紅
一展隻眼明秋江送飛鴻俗狀媿不稱什襲寶匣中
念我平生親潔白與之同持贈見題品坐使光價隆

重君有仙骨長年駐顏容豈知晦迹士玄鬣成飛蓬

縞帶不緣辟出自鮫人杼閣、蔽光華織、衍紋縷
服用必老成褒博邁前古垂之良有餘踐履有門戶
一御君子身居然稱章甫步趨重貌禮周折中規矩
荷君不鄙夷約束還見許立朝對賓客老矣更延佇

春晴次申屠仲權進士韻

澤國厭夕雨暮春生晝陰羣芳悉委翳何以忘憂心
况迺泥潦阻朋侶少盍簪晨興矚新霽拍、春流深

散策茅簷下對酒還自斟許身沮溺徒逍遙浣塵襟
春山在屋外照映綠水灣暄風斂宿靄秀色若可攀
恍疑桃源路窈窕非人間欣然寓游目及時為開顏
花香渺莫即引領徒懸々緬思繁華節先風汎山川
娟々渚花媚恰々谷鳥遷郊人戒農務芳草催詩篇
于時正興曠擊壤聲相傳沉憂感物色恭道何多愆
人事益有忤天運豈所偏安得伶倫竹感召和氣還
大鈞忽駘蕩生息斯可全願言陶化景調燭在時賢

奉寄海鹽知州李正卿先生

往歲事行役路入錫山道公務有程限不暇致幽討
期會邦大夫迺得斯文老班荆草莽間一見顏色好
船頭接杯觴彼此露懷抱泚筆賦黃花屬意出天造
暇日再升堂披豁見文藻學問仰前列結納悔不早
所惜吏事稽告別殊草々歲晏歸故林藜藿強自保
雲霄絕躋攀世路迹如掃文星忽移次屢起視蒼昊
雖乏彈冠資庶得慰枯槁激感良有懷心焉慙如擣
海城遠邊烽觀瀾近三島惠然澤斯民終以養吾浩

會當挈扁舟濶絕重傾倒

贈星數術士陳秋巖

天上種白榆豈使塵世知人心極天理乃有步天詩
好風或好雨未易以意推晦明與躔次側候無愆期
人身列三才照耀匪所私曆象示禍福鑿々信不欺
陳生得玄秘傳授有心師指掌披周羅隱顯見豪釐
我生五行內貴賤詎可移因子許蔗境遲暮不復疑
人身小造化中有天地理形氣苟相遭總合大易旨

籌策運乘除變化亡起止千古發幾微乃得袁與李
擊壤集大成煥然具衆美經世浩莫量論命同一軌
微言明晦吝勇決至生死擾々六合中萬類莫逃此
相逢叩浮生妙語瑩如水往哉抱韋編冥心究終始

田家四時詞為九山學稼軒作

大鈞播羣品生意滿寥廓晨興矚南畝鳴鳩在林薄
婉戀起遐思良時戒東作燒痕日以回野水日以落
荷鋤豈辭勞動有餘樂臨流歌幽風心跡欣所託

迨、谷水陽山勢西南翔平野萬頃間林巒互低昂
屬茲長養節綠陰滿虛堂耘耨既休息藹然苗稼香
端居無物役朋來時命觴餘力事編簡先民遠相望
廩秋殞霜露歲功行及時刈穫遍原野萬寶紛陸離
童穉日夕喧欣然不知疲聖門貴道德於焉鄙樊遲
無逸示艱難拳、戒先知微生已忘世舍此將安之

鬱、嘉樹林苑、溪水曲幽人此躬畊良田遠茅屋

歲晏農務休我廩羨種稌蜡酒歡里閭相與分景福
變遷吾弗虞治忽吾亦足永懷陶公廬無忝鄭子谷

戊申仲冬兒穎為館人所連得罪繫獄朋游
咸謂必老夫叫閹乃可昭雪由是衝寒扶
僊戒途凡越旬始抵石城道間記所見得

詩如左

澱湖

夜宿郭家舍早行陳墓村霧斂湖蕩白遠水浮晴曛
兵餘聚落廢草木蕩不存倚橋得野店刺船具晨餐

向來經行處恍惚不可論川原莽無際黯然消我魂
豈知衰暮景值此天地昏

吳門

日夕望吳門荒煙翳寒州泊舟問何處云是荊門道
三年百戰餘人煙迹如掃舉目山河異恍若天地老
殘民餘幾何流離孰能保仁者不可追誰其念枯槁
嗟哉乘除理實匪人力造茫然夢寐間惆悵對蒼昊

新安鎮

白首念舊遊瞬息六七載興衰反掌間宿昔魂夢在

向來太原公襟度絕爽塏大開青油幕籌策善掄采
談笑合經綸事業有期待入幕匪却超羅致慚郭隗
重來弔遺跡驚心變桑海故舊散如雲我獨毛髮改
城門嗚咽水似恨有遺鏜天運不可量鑄錯詎能悔

沙湖

凌晨出沙湖杲杲寒日赤望路指西南趁風挂帆席
行、數里間舟底盡沙磧歲暮寒水落過者總煩劇
篙師力支撐進寸乃退尺叫呼問鄰舟始得指所適
中流植萑葦表以深水迹由茲遂無阻四望始充斥

迢遞達岸傷回首日已夕嗟予匪徒行衰謝牽物役
人生苦多虞仰羨投林翮

義興

朔風中夜起白晝生晦冥舟行向亭午問路循郊坵
日色稍穿漏歷々崗巒青地出陽羨西亂後皆凋零
良田久荒穢聚落如晨星乃得張生廬回塘水冷々
少年頗解事蕭客開林扃燒薪具湯沐置酒陳壘餅
具言兵火事慘惻難為聽余亦感其意強飲忘歎醒
明發戒行李指點仍丁寧

前馬鎮

水行數百里今日始得陸老來筋力微徒步窘局縮
暮抵前馬鎮人煙稍蕃簇琳宮半摧頽猶是前朝屋
陰々寥陽殿仰見貌像肅吁嗟禮樂壞銷毀日相逐
鬼神依人靈至此亦傾覆出門投逆旅展席成地宿
江東形勢高土室頗溫煥牆隈卧兩牛對月寒舐犢
目之傷我懷中宵淚盈掬

溧陽

戒車屬昧旦霜露猶淒々折旋荒墟間石逕迷東西

第宅燒焚盡頽垣互高低北風振林箔寒鳥向我啼
逶迤出官道所見愈慘淒南來多遷客一一援子妻
嚴冬犯冰雪面目俱沙泥歷險復凍餒矧敢勸攀躋
皇天有恒運何以慰黔黎擾六合內誰能遂幽棲

七里山

我生本無營垂老值逆景山水性所樂邂逅心目逞
朝來經行處林麓頗深靜松篁雜泉石豈不慰馳騁
一見暫解頰愁慮終莫屏那能似平昔到眼輒記省
始知乾坤內萬事如過影患難偶相遭定力未深領

曷若忘吾憂陶然造真境

分界山

乳後喬木盡新植纔拱把惟時搖落餘山色亦瀟灑
至茲頗險峻宛轉曲崖下路出分界山神思欲傾瀉
僅有古廟存斷碑仆荒野緬思承平年處一鷄豚社
衣冠不復進何由斷風雅我雖一腐儒自謂賞音者
胡然迫物累對此失陶寫

官塘

曉行犯霜露驅車上崇岡四顧人煙稀日色浮蒼涼

山家竈無突炊煙滿衣裳出門復風沙老眼終昧茫
父老為我言時事殊可傷此邦最是邑右族侔金張
粵從亂離始十室九喪止強壯殞鋒鏑老弱委路傍
形勝既改觀山川遂無光纍纍偷生者榆景何由長
語罷長揖去喟然面穹蒼

白府君廟

道經溧水縣古廟當城陰浮雲映霄漢鬱鬱宮殿深
脩門聳飛閣穹碑列森森前朝屢褒頌落正始音
國家崇祀典首以民為心陵谷有遷代造化無古今

信知鬼神德福善終禍淫馨香苟可薦黍稷非所歆

謝亭岡

此地非深山所歷無絕險高下百里間崗巒互重掩
民居稍聯屬兵餘苦勤儉山田固微收况復經歲歉
停車謝亭岡暮色昏冉冉風寒人不行遙見燈火颯
恍然遊子懷偃蹇忘拘檢

青埂

夜寒宿秣陵曉霽度青埂苟臨總溝壑不啻瞰睥井
俯視層冰橫照目光炯炯與人亦良苦交馳畏肩並

霧昏迷轍迹有力不敢騁我時舍車行屐滑不憚整
殷憂莫暫置懷抱常耿耿山川不我厭哀晚負清景
何當問蒙莊寸心若灰冷

金陵

亭午寒霧收日色漸昭晰此行既迢遞身世任曲折
四顧遠近間羣峰儼環列峩峩石頭城形勝天地設
龍虎相踞盤王氣故不輟鍾山一卷石迴與他阜別
山川無情物往來隨變滅粵從典午來禹跡屢割裂
豈不祈永延中自仁義缺是知王伯資初不恃險絕
誰其罪真宰惆悵還結舌白首匪壯遊弔古粗可悅
唐虞彼何時長歎肝肺熱

壽靈源上人遊方

我生頗宏放素有山水癖胡為墮世網所願久未適
矧當風塵際及此頭盡白豈如浮屠人蕭散無物役
名山勝水間往來快遊歷青鞵萬里道不汗緇塵迹
相逢明眼士心地渙冰釋壽公山林秀豈憚勤勞力
發軔始自茲端可窮絕域設心一以廣所向竟終極
了此最上機三界在瞬息歸烟來水間借我半禪席

錢塘林子文以星術醫藥画筆遊食江湖為
題行卷三首

璿璣耿夜光所示各有象七政一以齊玄理益深廣
萬類靈者人命運合天壤儒先妙推測經緯在指掌
後世得其文禍福益宣朗

我聞賣藥翁夙尚韓伯休避名字宙內殆亦僂者流
後來不乏人往々繼前修濟世在陰德豈為生事謀
刀圭忽通神遂與元氣游

古來朝野間縻不重豪素山水擅甲科夙昔著名譽
漫漶積雪峯險絕懸崖樹之子法李郭惜墨見天趣
幸寫桃源圖艱危得歸路

幼女贅居澄江無後可託親往載之以歸庶
盡父子之道且得縣宰給以公文沿途無
關譏之虞丙辰歲二月廿一日出關宿城
南屠家鎮逆旅中夜分枕上紀述示舟中
同行者

暮出澄江城夜宿屠鎮市身老憚驅馳情真易嗔喜
生平兒女債累及衰暮齒婚嫁雖粗償生死那可擬

逝者不復追存者詎能已經營盡人事得失任天理
此行未為迂所願聊復尔同舟得佳侶聯榻忘旅邸
去住釋殷憂周旋賴知己鷄鳴客夢迴犬吠征人起
旋聞啟重扉又欲戒行李關譏良可虞公檄信可恃
吾生既若浮老境復何止沉冥但結舌感激還撫髀
聞道固茫然忘機亦久矣何當絕紛埃放情好山水

寄贈潁上縣令車則明會稽人小兒穎以罪

遷彼此公知其非辜每加矚睞

東瞻會稽山萬古神禹跡欽嶇控大荒偃蹇鎮南極

蓬瀛屢清淺造化恒鬱積人物秀所鍾不啻崑產璧
衰微或相尋生毓詎可肯息之子經世資製錦暫淹
抑光岳含靈氛終古有通塞

孔門有遺訓政事列四科單父坐鳴琴武城起絃歌
至今百里間聖化恒漸摩汝陰古名郡先哲屢經過
巢由垂隱跡歐蘇鼓文波起廢喪亂後豈不煩搗訶
頗聞德化感道碑藹春和願言邁前列修途振鳴珂

微宗事儒素家在巖灘上衣冠久淪落喬木亦凋喪

平生江海心既老尚宏放應門賴弱子粗習菽水養
一朝坐斥逐夢寐隔十嶂無家復貧病曷異楚囚狀
徬徨舐犢情悽惻倚閭望明公憫斯文青眼顧流浪
有德彌二天沒齒詎可忘

贈馮神王鑑堂

江心百鍊銅照物無遁形人於天地間方寸尤神靈
不知子都姣有目若晦冥之子頗絕特炯々雙瞳青
豪端化工在妍醜任使令凌煙重一代傳岩貴千齡
自古賢達士德義斯可銘慎勿薄固陋更參相心經

寄南金絕句

朝望茜溪雲暮望茜溪水倚窗對晚色懷人不能已

夢中紀遊

春澤下楚雨暮江開野花嚴灘釣魚客却上漢仙槎

題窠石絕句

雲際天籟收石底元氣蟄幽人憺忘歸日暮山鬼泣

金錯刀竹

君子在澗谷歲晏服豹韜擬將鐵石心鑄作金錯刀

蟻術詩選卷之一

蟻術詩選卷之二

元雲間邵復孺著

明新都汪稷校

五言長律

貞溪寒望

物色存荒域人煙散遠郊
閑門當野際望眼出林梢
水落三秋後天寒十月交
草蕪殘畎畝塵沒舊衡茅
日送牛羊下霜催橘柚包
溪渾魚漏網樹折鳥傾巢
風俗從時改丘園未易拋
生涯慚負郭歲事乏充庖

獨學唯踈懶羣居適混殺世途多反手友道絕投膠
無復懷招隱猶堪賦解嘲興來從目斷一鴈下塘坳

至正庚辰歲暮大雪同孫果育李野衛立禮

三先生分韵賦禁體得天字二十韻

肅殺成冬令禎祥兆臘前何人能剪水此夕遂彌天
始訝同雲合俄看大地連皇恩敷宇宙春意滿山川
氣應豐年早光還太極先灑窗初浙々入幕已翩々
部婁日成積坳堂久未填隨風元辟易帶雨却俄延
萬室均沾瑞千林競奪鮮獵圍明燧火僧舍起茶煙

高卧甘菹屋深耕望秫田映書如有約授簡豈無緣
金帳家聲舊朱樓樂事傳酣遊曾驤裊低唱總嬋娟
尚覺寒鑪好猶宜破帽偏雞羣空出色驢背莫爭妍
巖瀨仍高節程門憶少年陶情憑酒力禁體詫詩篇
豈意三陽迫重鷲六出全因聽郢中曲欲覓剡溪船

太原秦景容肄業胄監以春秋經中大都鄉
魁有田在海隅至正壬午秋以收稻至雲
間錄示近詩和韻復其來意二十韻

世宦推三晉聲華自五陵禮隆鄉舉首望重辟雍朋

白璧光堪摘青霄世所矜山陽聯胤胄淮海接雲仍
鼓篋曾無忝穿楊豈不勝十年加淬礪萬里會騫騰
俊比峯尖隼清嫵棘上蠅依々春月柳炯々玉壺冰
家學多軒冕師模足準繩吟空謝池草業費剡溪藤
壯志懷前席雄才薄販繒詞源長倒峽賦壘况高滕
道本關淪喪文應有廢興遠遊方澤國清話及鄰僧
鄉味鱸曾膾家書鴈可憑海潮鳴客枕江雨入書燈
繼廩饒杭稌羞籩到芡菱雅懷青嶂疊
傾蓋真如故盟爐獨未能春秋湏附驥早晚看搏鵬

白雲層

送松江太守楊公正秩滿歸太原

裂土邦千里孤城海一陬廟堂嚴遴選牧守慎徵求
有美楊夫子真如漢列侯雄才方趙壁間氣出并州
阜葢聲華重銅章禮數優民心懷善教政典邁前修
突兀黃堂改森嚴画戟稠阻飢憐接踵移粟慰窮愁
䟽鑿江河道經營畝畝秋泮宮仍魯頌多士率歸周
一諾䟽留獄諸公服遠謀笑談均賦役聲價滿林丘
強梗俱潛跡高明獨運籌拳々崇祀典翼々介神休
報最還前列掄才孰與儔去思登史冊來暮起歌謳

雲路追黃鵠春風送紫駟棠陰長藹々柳色自悠々
波暖江淹賦天空庾亮樓未能趨幕府只想逐鼇頭
朝野連吳楚恢台直斗牛何回能借寇高興欲依劉

悼趙士弘先生宋宗室良字行

與先人同
戊子生

大族連天水餘芳出俊儀英雄隨氣運浩蕩濟艱危
為庶清門貴傳家舊俗垂人猶羨鍾鼎業不廢弓箕
文物終難泯才華竟莫施通家推執友喬木共殘枝
先子交承蚤同庚意氣如由來諳契舊比歲數追隨
倡和形詩筆殷勤接酒卮客樓頻對榻親舍屢彈棋

近作溪頭別方為歲晏期計來疑入夢心折恨難追
殷禮終黃土商歌起總帷斯文情所感况乃哭吾私

錢南金往歲胥會嘉禾紫虛觀近聞館於澱

湖謝氏經年隔絕寄詩問訊二十韻

世路多關隔音書絕往還故人長在望良會眇難攀
伊昔來葦泖平居共里闈簡編爭取益詩酒最相關
花徑時々掃林荆日々班比年恒異處吾道屬多艱
鷗鳥風波急醯雞宇宙慳洪溪重邂逅玄鬢各編爛
分手仙人宅傾心刺史灣璫璣寧自韞蕭艾孰能刪

忽報遷翹館還堪慰旅顏新應詩夢州短屐快登山
孤陋嗟無似驅馳老漸頑塵居惟習嬾浪跡暫投閒
漫欲為雞口何能見豹斑心期忘躡蹠歲序任循環
故里春猶在秋牕月又彎平湖澄水鏡孤阜聳烟鬟
目斷蘼蕪際神勞夢寐間少須携白墮相與岸青綸

辛丑早春和顏仲逸新正試筆韻

江湖逢獻歲塵土各忘年天際凝煙沒林梢霽雪懸
山川祇尚爾風物頓蕭然鳥語春聲動魚浮水氣還
凶沿俗讖治忽驗巫筮對酒亡新頌簪花失舊妍十

戈紛未已燈火寂無傳閱世驚身老題詩讓尔先
客居感懷寄簡吳野舟四十韻

喪亂嗟吾老漂流惜子賢鄉關荒政裏萍梗畏途邊
撫事從誰論偷生祇自憐泥塗長汨沒甲子屢推遷
未覺心灰冷何堪室罄懸泰山那畏虎蜀道但聞鷓
蕩析彌千里征徭徧一廛故園迷草莽喬木混風煙
寶劔深埋匣瑤琴久絕絃兒童荒問學故舊失周旋
生理儒冠誤才情世累牽志乖綿上隱業廢汶陽田
蓬島知何地桃源別有天少年違宦達晚景負神仙

著屐慚靈運登樓感仲宣
意行花漠漠悵望艸芊芊
物色何曾歇人情實自煎
愁添新白髮貧憶舊青氈
結舌防滷俗潛形遠逆愆
行藏甘屏迹塗抹敢求妍
倦欲英華歛窮惟氣節堅
不煩唐尹卜雅愛子雲玄
夙昔知予者于今獨爾焉
家聲昭代重姻好德門聯
和璧傷淪沒韋絰肯棄捐
重逢驚漢落交慰憫顛連
江海孤舟險風霜短褐便
襟懷還尚迺身世總茫然
稍訝頭顱改仍欣禮貌全
賞音殊落落屈指特拳拳
豈望唐虞際猶攀魏晉前
隱淪須隴畝哀謝合林泉

黃卷希聞道丹砂覲引年
誅茆求杜曲種菊訪斜川
春雨漁蓑唱秋風鶴帳眠
酒杯從放浪詩卷漫流傳
小佇乾坤豁無憂雨露偏
浮生多曠達此意豈遷延
投老寧無託相親定有緣
好焚經世策同貯買山錢

邾仲誼博士久別重見以詩叙聞依韵答之

二十韵

客舍窮無事柴扉懶不扃
鄉田荒稼穡野饌雜參苓
喪亂身空老浮沉夢未醒
功名嗟曉露故舊惻晨星
世道紛叢棘流光逐建瓴
忘形從槁木託跡任浮萍

衰之欣投筆案、願授經堪與更代謝動植總凋零
幸免題鸚鵡何堪賦鶴鴿暖風仍甕牖涼月尚虛櫺
適興紋楸局開懷瓦缶醞風埃便短褐畎畝絕侯鯖
緇帙繁新蠹練囊冷舊螢故人頭盡白重見眼終青
媿我淹顏卷傷君憶孔庭父懷投臭味何啻挹芳馨
思繞盟鷗渚羈栖唳鶴汀雲霄迷北海壺嶠隔南溟
蹇劣顏增甲哀顏日眩丁幾時同辟地萬里快揚舲

追悼南金錢文學二十韻

弱冠論交道斯文獨賞音瑤環生世族冠帶表儒林

學海窮探討詞源極訪尋漸磨期遠業爾汝得同襟
文采珊瑚樹聲華綠綺琴幽蘭湘浦韻喬木謝庭陰
才美時無遇情真世所欽精神元不負道骨竟難任
嵇阮風流遠輿犂意氣深半生聯里閑卒歲盍朋簪
夜雨巴山話陽春郢上吟對碁忘寢息沽酒喚登臨
漂泊緣生事緘題出素忱風塵多契闊鄉井共浮沉
末路傷存沒危途異古今空梁迷落月宿艸睠遥岑
後戎遭時變殘生迫歲侵丹心長耿耿霜鬢益駸駸
草記王孫跡梅存處士心空懷掛寶劍那復鑄黃金

乙卯立秋日客舍紀懷二十韻時長兒克穎
遷于潁水幼兒克淳沒于濠梁故園凋落
殘生茫然不能無感于天時也

棲遲頻閱歲疎嬾又經秋身老那禁病時危未解憂
客居甘屏迹儒術悔無謀撫事浮雲變驚心大火流
家山如隔世鄰里盡荒丘杜曲傷遺族咸陽惜壯遊
兵塵餘瓦礫煙夢亂汀洲南郭違憑几西風倦倚樓
幾年春浪闊三泖暮雲稠世道何多梗吾生信若浮
悽迷忘夢庶浩蕩失盟鷗鐵硯功無補丹砂志未酬

偷生情惘々淋浚計悠々楚生室囚仍繫殺陵骨未
收音書惟墮淚伏臘轉添愁霜露埋歸轍關河阻去
舟孔懷陳俎豆雅志託箕裘晦吝亡先兆行藏豈預
籌疎狂猶有興哀謝復何求宇宙還清氣樵漁送白
頭

蟻術詩選卷之三

元雲間邵復孺著

明新都汪稷校

五言短律

陪孫果育先生遊干山次韻三首

題圓智寺

寺古藏雲表幽花遠路傷溪山如有約心跡總相忘
翠壁題詩蹟青籃采藥香野人應未識白髮舊潘郎

懷古太初書記

此老誰復記近來何處尋
勤勞非左計正始有餘音
月冷虛白室秋高空翠林
遺縱不可訪回首碧雲深
虛白空翠
皆其室名

贈壽南麓上人

暮下山房榻晨炊石澗泉
聽鐘清夜坐移枕白雲眠
南麓曾題竹東林未種蓮
何當結茆屋投老學逃禪

辛巳歲元日兩雪中飲曹西翁家次翁韻

望眼鯤鵬運驚心犬馬年
東皇開萬象南雪暗中天
歲事驅馳裏村居寂寞邊
柘花易為醉夜久不成眠

錢南金往海鹽省母阻風歸遲用曹雲西韻

懷之

村纜曉未解溪風晚自和
君行殊未久花落已無多
夜饌魚如玉春庭雀可羅
遲去魯日遊子意如何

寒食次雲翁韻

春信催玄鳥客愁聞杜鵑
一邨寒食兩三月杏花天
物色知誰賞風光亦可憐
西湖長入夢人在采香船

還家舟中口號

人語荒村晚船行逆水風
平燕鷗外綠落日鴈邊紅

奔走生涯拙歡娛往事空故園看漸近喬木有無中

答宣伯襲孝廉見寄韻

高致嵇中散能書褚遂良家聲惟學禮經術更尊王
湖海多清議丘園耿光驛騶終闊步未肯漫騰驤

丁亥臘月廿八日立春雲西翁有夜枕之作

詰朝置酒餞歲次韻以復

蜡酒今朝臘牛鞭昨日春山林藏勝地天地有遺民
池艸生新夢熄梅若故人夜深風雪底鷄唱又催晨

橫泖客舍立秋日

塵世常為客天時又立秋病餘疎簡冊地僻少朋游
高樹商聲動虛牕兩氣浮生迷出處祇合老林丘

橫泖雜言二首

橫泖清晨望人煙樹幾重三江歸禹貢眾水會吳封
雲倚孤村塔潮生半夜鐘田翁談古跡隔浦是青龍

橫泖在吳淞
江南數十里

廣廈人來少青山遠對門緩潮通曲港高樹接遙村

井記袁崧宅鄉連宰我墩行吟聊適興心迹未須論

袁崧宅宰我墩皆在
數里間遺跡存焉

客舍早春

下榻荒村夜挑燈傳舍春江湖為客處花鳥隔年人
世事隨時變風光幾度新天涯芳草綠想見故溪濱

寄南金

樹老深如卷苔荒舊釣磯地偏途路隔世亂簡書稀
病骨須丹鼎閒身且褐衣春來能載酒重話久相違

哭劉希孟先生

蜀國山川秀吳門閼闔深家聲推朔黨世業擅南音
時俗防遺直江湖見古心稟之紫霞譜諸子尚能尋

有道常高世懷才只曳裾賦愁周庾信卧病漢相如
貧幸家擅在清無儋石儲斯文多汲引淚落寄來書

無錫東屯和朱梅山司丞韻二首

世亂人煙廢村荒道路賒遠山猶突兀朽木自歌斜
黃落驚林葉紅搖見渚花獨憐行役倦回首鬢霜華

此地窮兵後前朝勝跡賒黃沙成廣漠白骨競橫斜
鶴去空華表鷗飛起浪花却思天地裏底事有紛華

歲暮九山道中二首

兵火何多難人煙此獨存
鶴歸城郭老龍去海波渾
廢屋青山寺斜陽錦樹
邛蹉蛇猶自任軒豁共誰論
向老忘機事無營守故林
風霜屢搖落身世轉浮沉
列屋咻齊語孤舟動越吟
梅開驚歲晚於爾慰貞心

橫溪夜思二首

宿霧隨雲歛寒星著水明
客舟移遠岸戍柝報初更
老覺驅馳倦愁思喪亂平
故人鷄黍約歲晚更多情

海角天寒夜沙頭月暗時
梅花還入夢芳艸不成詩
聞道懷南郭傳書憶下邳
所嗟遲暮色豈計往來期

挽衛立禮先生二首

文獻承平族衣冠靜壽堂
廛居成大隱家學擅遺芳
牀上圖書富壺中藥艸香
清門堪供老喬木遽斜陽
白雪孤鸞操紅塵小鷓鬼
陶情十日酒養道九還丹
風月詩篇逸乾坤舞袖寬
花堂行樂地春事在芝蘭

泗涇雜詩四首

閱世心先老看山興橫生驅馳仍合道遲暮若為情
事向愁邊廢詩從酒後成晚來黃葉墜閉戶聽秋聲
客枕驚秋夢鄰春起夜歌兵塵長荏苒歲月易消磨
末習游談勝浮生左計多扁舟未落手浩蕩白鷗波
秋盡江村迴時危世路艱地偏從湯浪身老絕躋攀
隱几懷南郭移文尚北山興來仍極目詩滿夕陽間

鴈鷺橫秋影村墟起暮寒隱淪同木石游惰廢衣冠
白日那能駐青山不厭看故人江海隔驚喜問平安

次韻荅馬本勁賢良見寄

公府徵賢日賓筵講道時抗詞風灑灑退食晝遲遲
才美蒼生望文高宰相知曳裾綽借途入幕已先期
俞山月用韻叙舊如韻荅之

市樓聯榻夜溪館艤船時縱酒花飛遍吹簫月到遲
情隨時事改心有故人知但得江山在逍遙自可期

早春用前韻述懷錄似馬俞二友

剪燭驚新歲看花感舊時身閒從鬢改親老願春遲
貧豈揚雄逐愁惟庾信知風塵任萍梗未負野人期

城樓雨夜

十月荒城夜三更暗雨天鴈聲營柝外鷄唱寺鐘前
松菊何人問萍逢往夢牽物華無世態回首一茫然

歲暮丁未

江海歲云晏乾坤戰未闌世途長恍惚吾道轉艱難
陶逕無成趣龐門敢遺安豈知投老日不厭遠遊冠

巳酉春金陵旅舍和蔡君立程傳可二友韻

六朝江左國二月雨中春舉目山河異驚心艸木新
盍簪忘孟浪把酒慰艱辛莫問庭花曲興亡有鬼神

撫事傷遲暮勞生感晦明風塵城郭老花柳歲時更
典午虛龍虎阿房實鼎鐙春寒欺旅客二月未聞鶯

奉酬錢曲江見示韻

何遜詩逾古江淹筆尚靈秋風黃葉寺春雨綠莎廳
行樂那能繼浮沈不暫醒鹿門在人世何日遂潛形

漫成二首

久雨秋將盡愁雲冷未開形神同木石眼界總蒿萊
舊讀書忘記新成句嬾栽棲遲何所託衰謝莫相催
風急欲墮戶夜寒思授衣乳雛生事拙漂泊壯心違
舐犢長形夢亡羊久息機柴門秋色起倚伏看雲飛

春日橫溪

對酒忘衰髮看花憶故園春光空在眼客路總忘言
老羨山林逸愁嫌市井喧周旋從習俗出處信乾坤

哭王子章先生二首

家世儒為業江湖字得名貧居成樂地孝養出真情
造士登侯泮觀光及帝京哲人天弗壽波冷自鷗盟

好客長浮蟻書經每換鶩家庭聞禮早舍館育才多
力學心何苦加餐老不磨斯文總凋落天道信如何
挽謝德嘉同知二首

鄉里推名族丘園重老成璽書來暮景玉樹起前聲
讀史諳興廢彈冠荷寵息晨星政寥落天道底無情

高世襟懷古承家姓字香
墳篋曾迭奏喬梓復聯芳
雲冷登山屐春閒夢艸堂
爽靈應不朽騎鶴晉人鄉
和襄陽縣宰沙德潤春遊韻

春事元無算人生若有涯
傷門新種柳滿縣舊栽花
小隊東山屐清風北苑茶
襄陽行樂處幾度接羅斜

蟻術詩選卷之三

蟻術詩選卷之四

元雲間邵復孺著

明新都汪稷校

七言古風

昭君出塞圖

漢代明妃余所恥遺跡猶存畫圖裏
當時祇恨失蛾眉
看千古相傳關國體佳人命薄何足論
大國禮重當自尊
堂上卹金亦左計孰謂夷虜能懷息
古今多少明妃曲萬語千言題不足
獨餘哀怨在琵琶近日音

聲轉煩促君不聞樊舞陽霍票鷄與姚同英略奇謀竦
廊廟精兵十萬可橫行殄滅強梁在談笑吁嗟此志
何日循漢廷遂有匈奴塵

松居圖歌為會稽陳元茂賦

暨陽山人讀書處隱約蓬萊山下住天荒地老百年
餘留得承平歲寒樹根古屋弗計年樗櫟為棟薪
為椽蒼龍摩霄雲沃若天籟滿坐風冷然山人任久
忘清苦淳朴襟懷侔上古夜然明節作書燈晝煮茨
卷登宴俎海桑遷變孰可稽直欲掉首從夷齊提封

一夕遍鄉井高舉更覓青雲梯我欲尋真換凡骨屢
訪名山猶未得山人若許穿雲蘿輒向画图求髣髴

画梅行會稽王元章惠以墨梅且題其上依

題酬之

道人画梅墨色爛頃刻画成還自歎不教么鳳識貞
心故遣苔花封老幹空江歲晏冰雪寒江上月明人
倚闌隔江美人相見難誰其致之白雲間美人為我
話疇昔感此孤高混荆棘春風一夜到寒窗坐使化
工長太息嗟予清絕忘世緣得此似挹羅浮仙歲寒

相對深崖巔夢中梨雲豈其然

玩古行武川唐允文蓄古圖畫碑刻金玉彝

鼎及諸器物一室中名之曰玩古齋

吁嗟世道久不古元氣寥々僅如縷諸生日夕事簡
編猶欲冥心究鄒魯三墳五典素不完雲門咸池舜
無語崑岡之火幾燎天大貝天球藐何許古人代謝
如逝波古道凋喪猶傾柯區々器物有成毀歲月既
邁存無何唐生游心及于載所見輒辨正與訛埽除
一室玩性昔迴與先哲相漸摩木落江空天地老江
上相逢漸潦倒世降俗薄殊紛綸乃是設心求古道
我亦齋居養時晦賴尔能來慰枯槁從茲可見羲皇
心歲晏相看期保抱

桃源圖歌

陶公昔作桃源記謂有桃源在人世不曰漁子逐桃
花那得世間知此地重尋舊路迷其蹤天闕絕境無
由通偶因天台劉阮事乃謂此有神仙宮二事流傳
本殊絕後世相沿罔分別昌黎先生一品題疑誤為
君談笑決誰將豪素画作圖高唐想像終模糊陵遷

谷變屢反掌此中按堵猶唐虞民物于今同土苴有
力難尋種桃者白髮吳儂淚盈把安得桃源遍天下

答唐元度惠草堂詩陽羨茶

君不聞浣花老翁隔春水長日清吟泣神鬼不求錄
事草堂贊祇送先生太倉米又不聞玉川破屋洛城
裏門外日高猶未起忽傳諫議送月團便欲蓬萊作
仙子二公高興出天機千古清風韻人齒文章舉世
尚茶歌名教相宗賴詩史青谿野人書屋底歲晚山
空念知己梅花獨伴客羶寒閉戶窮年窺故紙晉昌

才子好事者每與論文心輒喜襟懷蕭散涵江湖學
問春容有源委昨朝過我荒疇濱清既灑然兼二美
我聞建安兵火餘紙價倍高書版燬又聞北苑道路
艱青筠瑛題阻千里豈期物色融心神不啻瓊瑰溢
筐篚呼童洗鼎烹石泉展卷高歌發宮徵枯腸漱滌
生陽春老眼光明耀牕几我生追羨少陵翁千載神
交得其旨從來亦有嗜茶癖知味陸郎差可擬近年
潦倒絕賞音一旦為君重屈指山中白雲不可持何
以殷勤報投李相期月夜來叩門瀾茗談詩洗心耳

旅秋行次韵荅錢南金所寄知近寓秀水僧

寺

紅葉風高墮寒雨商聲起自蕪葭渚三江逝水憺忘
歸獨客羈心孰如縷此時客在江之湄日暮途遠迷
東西鷗波萬頃清景絕鴈門十月愁雲低得子素書
如夢裏知與山僧相汝爾東林結社或種蓮南部養
生終隱几憶昔與子同居時花前美酒燈前詩清風
明月見玄度流水高山得子期只今與子成一老修
名不立欣聞道歲月無情左計多江湖滿地知心少

十年共坐風塵中夙昔玄鬢成飛蓬慣看青白有俗
眼已悟得失如塞翁歲晚終歸釣遊處與子誅茆黃
葉路時從編簡對古人日涉田園自成趣人生百歲
何時閒我輩又在浮沉間吁嗟長安日已遠莫負江
南煙雨山

題許守中太和丹室

至人水火鍊空鼎中之物止形影涵融造化發春
溫感兆乾坤歸內景後來學者傳失真幾人能識天
地根強將旁門作大道甲是乙非徒糾紛山人何處

得其秘烹煮砂鉛作良劑坐收元氣入刀圭起瘵沉
痾等兒戲歸來燕處一室中神光不夜春融々可憐
下土混昏濁豈若違世超鴻濛九還七返窈莫測欲
往從之限溟渤安得凌風振玄翮稽首安期間五石
乞與寒瓊換凡骨

四皓圖歌

長春道士身姓許博雅好奇心獨苦手持六尺商山
圖要我賦詩原上古展圖宛見四老人秦漢既遠誰
識真當年事跡稍茫昧舉世傳說徒紛紛我聞前王

建邦國樹子由來戒無易卯金欲貽四海憂於此忍
能忘羽翼此行實為蒼生計世變相仍豈天意大經
一正四百年孰謂斯人終避世山中紫芝今有無艸
木蒼莽埋丘墟驚濤虐雪昏天衢祖龍餘孽何由蘇
曷若繼爾為遠圖

澹滄漁叟引為樵李蕭養素賦

澹滄溪與鴛湖接中有漁舟小如葉漁郎把釣溪之
濱日夕歌呼弄煙月滄溟空濶風常寒紅塵辟易天
為寬襟期不啻在楚澤出處似欲凌巖灘一夜嚴飈

吹虐雪千山鳥斷人蹤滅忽然漂泊箕潁間洗耳長
流更清絕人生百年俱有涯榮辱不到漁樵家天吳
海若惡作劇信緣齊汨終無譁江南處々青山在江
上故人毛髮改尚餘鷗鳥識孤舟不信相看換桑海
武陵只在天地間可惜晉士成空還桃花舊路若避
逅謝絕世故無厚顏

張氏三味軒歌

古來賢達當衰世往々全身遠名利典午骨肉紛相
殘東曹掉首成歸計秋風一夕吹三吳々中正美尊

與菰四腮入饌復雋永千里命駕忘馳驅一時託興
無遺恨百世流芳有清論微物因人乃得名至今三
美餘風韻東曹一去今千年後昆散處猶多賢時持
三物弔遺跡清風峻節還依然九月秋深天宇肅三
高祠前風落木瀝酒高歌送迎曲吳淞水碧吳山綠

穀江行三衢之江山常山二水自須溪金川
合流交錯如穀故名穀江潁上文學掾徐
景顏居於其間自號穀江漁隱云

吾聞西安之水如羅紋江山形勝相吞吐二川合流

勢不分清泚迴々風雲奔中有幽人居喬木映衡門
高世偃蹇甘隱淪先秦文字不啻數千卷日夕莊誦
若對羲皇人興來出門放孤艇一竿坐釣清粼々落
落渭濱叟榮名滿乾坤籍々煙波徒高節摩峨岷清
風灑々絕俗塵千載而下氣益振神交夢接意所親
古今成敗在指掌一室燕坐窮無垠十年戎馬中原
昏城郭挑達乃尔成紛紛抗顏為師我輩事忍使此
道尼不伸慷慨投袂起歎見俎豆陳况茲潁水湄禮
義夙所尊歐蘇之跡遠未泯至今父老遺風存君今

生意藻芹木天米廩手可捫某丘某水荒榛荆榛驚
鶴怨誰與鄰君不見鹿門谷口雞犬村野人笑語春
風温年々碧州哀王孫

潁東畊歌為烏溪黃成章賦近在潁庠分教
天寶乾元亂離日東川西川氣蕭瑟中原旋復九重
城灤水猶存萬家室杜陵野老悲無家白頭漂泊錦
水涯入幕何堪故人死為農復歎京國賒此翁高節
無復得後輩猶懷踵遺跡蜀山萬里何茫茫詩史千
年長歷々我有丘壑如潁東春畊秋斂誰復同浣花

艸堂在眼中日夕想見前賢風十年出處學彌勵放
逐居然增意氣從容時發舞雩詠淒涼亦洒新亭淚
人生百年安可常行役孰不懷其鄉一朝杖屨賦歸
去故園艸木生光芒

蟻術詩選卷之四

蟻術詩選卷之五

元雲間邵復孺著

明新都汪稷校

七言排律

汪太守壽席同諸老分韻得蘭字

九仙山下梅開早生意齋前竹耐寒挿架書多呈琬
琰寫經牕靜長琅玕晝閑風滿談玄塵春暖庭生結
佩蘭老子胡牀饒逸興卽君綵戲有餘歡對棋不勸
仙柯爛醉艸從教墨沼乾門外塵氛俱辟易壺中歲

月儘盤桓已聞北闕徵黃霸未許東山老謝安南極
景星明永夜鶴書欲下五雲端

寄孤山和靖祠堂葉掌祠

聞道高居絕世塵湖光十里碧粼粼向來東閣梅花
好近日西山爽氣新學士港春窈窕先生冢石
嶙峋共欣當代文風盛不使咸平勝迹湮結屋數楹
鋪俎豆種花千樹闢荆榛明時汗簡書高節吉日生
芻屈措紳綠髮掌祠談笑逸画船載客注來頻新亭
風景應回首故國江山亦愴神蠟屐一隻吟踏雪銅

錢三百醉行春家童放鶴青冥上道士籠鶯綠水濱
清宴有時呼錦瑟高歌長是岸烏巾江城握手窮冬
迫客舍論心古意真一自北風吹去旆幾番南浦候
離人喜送歸鴈曾傳信咲指盟鷗欲問津谷口犁鉏
仍汨沒山陰觴咏屢回循生涯自信溝中斲意氣深
期席上珍安得鳴鞭追騶裊尚能肆筆對麒麟黃昏
踈影應無恙白雪陽春莫效顰絳帳談經終有約青
藜照坐定相親西冷渡口重維樅第二橋東擬卜鄰

曹安雅翁新營灤東莊

小隱清溪多歲月，舊家喬木老風煙。雲寒高卧崑山
屋，雨暖深畊灤水田。洛社衣冠無俗習，善和書籍有
人傳。飄蕭華髮三千丈，寄傲清時六十年。著述自堪
當野史，歸休曾不念塵緣。春生粟里，復吟屐，秋入吳
淞。一釣船，茶盃通仙，揮塵外酒瓢，留客剪燈前。以
詩論同堅白，自許風情合太玄。白璧一雙光炯炯，朱
絃三歎舞蹁躚。庭深玉樹，孫枝長籬，遠黃花晚節，妍
氣味本同瓜圃。鮭歲寒猶比竹林賢，想應出處人同
世。好在鴻濛，太極先。

蟻術詩選卷之六

元雲間邵復孺著

明新都汪稷校

七言八句

冬桃

重到玄都異昔時，紅香冷落怯瓊肌。天寒人面誰相
映，歲晚漁舟或可期。三月禹門風浪惡，小春仙洞雪
霜遲。淒涼不似天台路，萬一劉郎有所思。

苦梅

空濛烟霧滿羅浮，紺碧生香夢未休。
綠髮夜寒遺玉瑱，羽衣春暖怯蒼裘。
小牕橫幅丹青落，古殿殘粧翠黛愁。
骨化寒瓊心似鐵，至今么鳳妬風流。

出遊別溪上親友

筆牀茶竈未荒涼，籬下黃花尚晚香。
紀夢每疑蕉有鹿，讀書却笑穀亡羊。
葵荒杜曲經秋雨，柳老江潭帶夕陽。
明日扁舟隔煙水，風流詩酒未能忘。

次韻王彥強客懷

秋風城郭起層陰，遼鶴歸來歲月深。
鏡裏光華催綠髮，牀頭顏色歎黃金。

班生有志終投筆，鍾子無言久廢琴。
白石溪頭問鷗鷺，不堪塵事日侵尋。

江城暮春書事

三月凝雲連白晝，滿城宿雨漲黃沙。
歲華不改綿蠻鳥，春事俱成頃刻花。
每厭巡牕飛野馬，絕憐沉竈產官蠹。
庭槐自是南柯夢，觸悟愁人起歎嗟。

次韻安雅翁亭屏榮悴松圖

從來故國多喬木，此地春風及暮陰。
榮悴忽看屏上樹，扶疎却憶澗西林。
某丘易動頻年感，今雨不來何

處尋歲晚山空重回首題詩不覺小論心
嚴陵澗村
予故家在

寄錢素菴鍊師雲間南城大族

南城曾看五陵花東部新營處士家每向郢人傳白雪未泛葛令問丹砂華亭夜聽橫江鶴銀漢秋期泛渚槎忽見梅花耿相憶夜來清夢遶蕪葭

用曹雲西翁韻簡瑞閒雲開士

清溪蘭若十里外謝絕塵緣定卜居風靜花飛巖上衲雨溪苔汗壁間書酥燈夜話維摩室蠟屐春尋處

士廬白髮江湖多歲月叢林禮法未能疎

寄錢南金孝廉

與子間闊始十日離別未遠相思深風燈耿々美人夢江籬漠々遊子心綠柳向人春灑淚碧雲隔水暮生陰西園花事已寂寞莫為愁絕廢新吟

奉寄熏自聞上人併謝槐葉冷淘之歎

已公屋下涼無暑翁仲門前水拍天槐葉冷淘時供客蓮花刻漏夜恭禪獨居不廢叢林禮徇俗仍明出世緣自有門徒能養道無因重問灤西田

挽會稽呂勉夫先生咸平宰相申國公九世孫也

家聲奕世画凌煙曾傷城南尺五天白髮襄陽耆舊傳
黃花粟里義熙年山中夜雨燒丹火門外春風載酒船
何日蘭亭訪陳迹摩挲遺碣拜先賢

次韻曹雲西翁雨牕述懷

時故里大水

積雨空齋晝欲眠莫雲親舍水茫然春餘故國烏衣
夢秋惱中郎綠髮年漢柳蕭蕭吹笛裏巴山歷歷剪
燈前正愁松菊荒三迳失喜新詩寂寞邊

題徐中孚高士代祀武當桃源中朝諸公詩

卷

羽衣使者持金節分得天香下玉墀四海山川歸望
秩九重雨露及虛危桃花洞暖瓊田在華蓋峰高鐵
鎖垂紫府仙官來校籍想應曾采玉堂詩

孤山新建和靖先生祠

曾讀咸平處士碑水沉亭北黍離々南枝不似當年
樹今月曾看此夜詩歲久蒼麟眠古墓天寒白鶴認
新祠斷橋流水聲嗚咽獸對清香醉一卮

暮春次南金韵

茸々野艸帶煙藍漠々溪花隔霧酣
邨店人稀鷺轉午官河風暖柳眠
三小童荷鍾朝々筍幼嬾條桑處
處蠶錦里詩人最蕭散短筇時過
小橋南

題錢素菴鍊師封雲室

陸地仙家雲氣深達人棲息共無心
山中虛室夜生白戶外長松晝落陰
瑤艸滿階童不埽洞天無鎖鶴來
尋華山高處春長好不管桑田變
古今

又可月亭

結屋天壇爽氣多廣寒仙樹影婆娑
神遊太極黃庭景興遠虛空碧落歌
竊藥姮娥秋有約吹笙王子夜相
過道人燕坐光明裏春滿華池白玉
波

謝王伯靜惠葛巾

為嫌山鳥怪儒巾故使青綸矯俗塵
章甫未能酬壯志遠遊且復邁時倫
對花漉酒青山暮閉戶煎茶白屋春
三月苧衣相掩映舞雩定約詠歸人

東永嘉裴日章進士

鹿鳴詩裏知名久鴈蕩山中識面難
若士妙年先入

幕有才如此盍彈冠炎方荔子書能致水國鱸魚興
莫闌我在谷陽城外住日長掃逕待吟鞍

次南金見寄韻

欲采江蘺遺所思靡蕪滿地綠離々青春不送五窮
鬼造化猶如一小兒落日中原鸚鵡賦東風南浦鷓
鴒詞杜門一向生塵俗不覺今朝又有詩

寒食雨中

芳艸離々遍五茸

雲間舊為五茸城

天涯收拾暮愁濃西郊

風雨一百五南國江山千萬重眼底春光長拍塞鬢

邊秋色肯從容闌干此際偏腸斷零落梨花晚寺鐘

奉王眉叟真人二首

兩袖天香近六龍幾陪宸馭到蟾宮鑑湖一曲承恩
後瀛海三神入望中新種梅花期處士久留丹井付
仙翁漢家正重神仙事已築重臺倚碧空
曾望清風過十洲寥陽宮殿五雲浮仙人金掌涼如
水老子胡牀月滿樓談咲屢陪千日酒過從時借九
花虬幾回目送飛鴻去憶共山中宰相遊

簡唐復齋徵士

五茸春水碧生煙歷歷平林隔武川
狂客問奇長載酒仙人賣藥不論錢
橘間棋子尋真樂竹下苔痕醒醉眠
錦里錢郎來往熟相逢毋惜寄新篇

簡吳太然高士

玉皇香案久辭官小隱雲林帶鶡冠
滄海三山求砭石黃房五夜轉還丹
自緣瓜圃生涯拙頗覺柅溪去路難
我亦山陰寫經手幾時換得白鷺看

簡楷則中書記

上人家在武塘南一曲林泉護石龕
滿室天花紅陣

陣遠池春艸碧甃々臯比教兩宗湖學麈尾清風雜
晉談聞說吾儒黃叔度詩禪日々與同參

簡黃魯德秀才

洛下衣冠遠莫追城南韋杜本同時
江山風景知何似湖海襟懷自有期
近況俱題鸚鵡賦舊情猶託杜鵑詩
蘭舟夢遠清溪曲杜若花開白晝遲

簡賢大愚座元

江湖名字久相知一棹秋風見面遲
方外有緣能致我山中無物不堪詩
更長屢下蓮壺箭雨暗猶殘竹

院棊自恨野人無玉帶相逢未敢道深期

送張茂夫之南安縣尹其父嘗為翰林學士
玉堂學士家聲舊花縣郎官事業新庾嶺風煙終帶
古楚江天氣最宜春好將鼎寶調羹用莫遣鱸魚入
夢頻料得此行詩更好因風寄與隴頭人

早春錢南金見訪用陳景曹韻紀會

春溪一擢竹枝歌倒屣相迎感慨多塵土不知新歲
改兒童共喜故人過對牀傾倒情還在接燭盤桓意
若何如此襟懷最真率心聲歷歷見天和

次韻孫果育先生海鹽茶園道中作地名夾

山有金粟寺試茶院錢南金嘗約予遊未
果

聞道夾山金粟寺一如兜率淨居天雲藏衲子煎茶
屋春著仙翁載酒船打破斷碑何代始種來高樹百
年前錢郎詩裏曾相約蠟屐因循未了緣

次孫果育先生觀海韻

夫子舊傳觀水術先生到海輒尋源瀛洲方丈天茫
昧賜谷嶼夷浪吐吞形勝不嫌吳地僻要荒共仰漢

槎尊明年三月桃花浪會有神魚過禹門

乙酉歲人日閒雲瑞師過訪得唐復齋錢南

金賢大愚各以倡和之詩見寄因就韻各

答一章以當新春問訊首答閒雲

野屋春生喜錫飛曹溪一宿話遲遲未忘兜率叅禪
解且問匡廬結社期世道不侔空向老物華如許却
堪詩明朝煙水還迢遞慚負邛州竹一枝

答復齋

武川塘上暮雲飛春水迢迢放棹遲謾說銜杯如阮

籍可能問藥訪安期人經間動是經年別方外相傳
近日詩願乞昌陽留綠鬢東風潦倒插花枝

答南金

茸泖天寒雪不飛菑溪雲斷鴈來遲春回故國元無
賴人在殊方未可期芳艸王孫何處客梅花人日去
年詩門前雨後新流綠獨欠吟舟繫柳枝

答大愚

馴龍伏鉢夜深飛破衲生光出定遲栢子想應機不
露梅花自與月相期從來名教唯多樂近日浮屠總

好詩欲把談玄犀麈尾與君林下換松枝

重簡南金

江樹春雲興欲飛扁舟相見偶然遲風埃俱負幽棲
役丘壑曾為汗漫期晉代玄談幾造道周南風化實
闕詩思君只隔烏衣巷喬木春深有舊枝

頻年與陳景曾分教泮宮去秋竣事新春景

曾有詩見寄次韻為答

故人往々歡遊阻客舍朝々俗事增秋冷泮池同撤
席月明江市又收燈汗青編簡無新益卷画闌干憶

舊憑芳艸連天未歸去小山招隱復誰能

送吳景高廣文秩滿歸永嘉

東州文物恒多士此老家聲著昔時事業遠承湖學
派典刑曾識漢官儀鴈山喬木春長在魚浦歸舟晚
更移每共劇談前代事夕陽燕子獨相知

次李太無鍊師見寄韻

華髮蒼顏白恰衣遠遊冠上異香飛花開碧洞春風
起丹轉黃房夜氣微白雪詞章雲作篆玄洲步武玉
為磯欲攜談麈壺中去共講陰符起陸機

次韵謝戴彥李先生

其父帥初先生與先大父同登咸淳辛未榜

曲江宴集義熙年諸老風流競酒船
後世尚存金殿策前修已化玉樓仙
日斜江鷺春尋壘月冷湘靈夜促絃
握手莫傷遲暮恨一絃猶得似韋賢

遊吳中靈岩寺

百尺蒼頑一徑通竹輿宛轉翠微中
春尋謝監登山屐路入吳王避暑宮
響屐廊深雲氣白彈琴石老蘚花紅
吳兒不計興亡恨猶說陶朱霸越功

歲暮寄南金

時在苕涇積善寺

隔岸人煙是苕溪梵王樓閣樹高低
美人只在寒雲外破屋依然谷水西
歲晏冰霜無勝事春來花鳥待新題
不堪音問經年絕夜久相思夢屢迷

哭李仲輿隱君

先生有道獨沉淪窮巷棲遲若廢人
龍劍有靈能役鬼毛錐無術可娛親
變來騷雅文逾古論入玄微學更醇
重到西齋弔遺跡朔風吹淚洒叢筠

題吹笙人詩卷

截玉參差作一攢欲將天籟起雲端
竹餘嶰谷年華

老鳳去緱山月色寒江上酒闌人窈窕夜深簧暖燭
汎瀾小樓吹徹東風冷歷々江南入夢看

海濱何隱齋靜得軒

聞說高居近十洲一塵不到海天浮簷前白日皆清
景座上青山總勝遊花氣入簾春癖々擢歌到枕夢
悠々幾時約得蓬萊侶跨鶴秋空訪隱侯

辛卯歲臘月大雪次曹安雅翁韻

馮夷捲水夜深飛竟日同雲掩晝暉漢節凋零淹屬
國琵琶哀怨泣明妃豈無鷺鴨攻城略自有龍蛇起

陸機千古桐江擅高節羊裘未肯換朝衣

海濱何氏攬秀樓

百尺高居隔市寰青冥物色手堪攀目窮瀛海三神
表身在匡廬五老間江燕舞殘春雨歇玉笙吹徹暮
雲還登臨更起瑤臺興便欲凌風響珮環

新春荅陸伯蒙見寄之韻

行藏每辱故人憐世道無情久荷糧天上寅賓平秩
日山中甲子義熙年談玄廣坐風生席乘興孤舟雪
滿川不怕春來增紙價快題新句任人傳

答明心印上人約遊澱山寺

人間樂事無前定方外論交有宿緣
謝監好山長貯履遠公結社合栽蓮
三千世界非塵境九十春光半
雨天準擬前村寒食後移尊共買澱湖船

石湖圓覺中半雲法師和前韻見寄再韻答之

石湖蘭若好林泉開士深居息萬緣
閱世無塵心似水談經見性舌生蓮
花邊問訊春三月江上懷人雨
一天若得贊公容夜宿便尋祇樹泊吟船

橫泖客舍二月陰雨兼旬無朋游詩酒之樂

花木禽鳥之觀不能不動貞溪之想賦以

紀懷

東風吹袂起征塵驚見門前柳色新
客路驅馳連月雨故園隔絕幾分春
杏花村落懷人遠芳艸池塘入夢頻
蓬鬢蕭々慚旅食人生只合早謀身

次韻答曹州範春日感懷

年少光陰去等閒繁華過眼竟忘還
王孫芳艸天涯路仙子桃花海上山
絕代風流多失意百年身世幾

開顏重逢快覩新詩筆興繞平蕪夕照間
早春潘濟民遠過客舍以詩見示和韻為答
深谷荒涼動遠思隔年冰雪放船遲文風歷代有消
長世道百年多亂離每憶漢槎天上下可勝羗管月
中吹時危處無行樂客裏逢春總不知

紅梅

夢入羅浮醉未醒梨雲路接錦宮城明妃誤受關氏
聘舊女終騎玉鳳行蹋月前村疑問酒餐霞閨苑勝
調羹黃昏小立看清淺歷歷珊瑚水底明

贈王同僉

萬里江山入戰圖歡聲一鼓集東吳三秋奉使終歸
漢五月將軍欲渡瀘訓練只須揮白羽功名何止執
金吾行當早入麒麟画却弄扁舟泛五湖

次張漫亭雲溪菴晚望韻

雲溪菴外野人家秋晚行吟石徑斜胡馬長年肥首
蒼塞鴻一夜集蘆葭舟中歲暮懷張翰琴外風清感
瓠巴天際楚江楓葉赤眼明只想是春華

挽錢素菴鍊師

儀鳳橋木邊喬木盡雙鴛湖外艸廬荒土埋石磴栽
松鏤塵鎖雲牕辟穀方晉代清風當入傳郢中白雪
定遺芳翩然跨鶴雲間去顏色猶疑在屋梁

和倪德中見寄韻

白首窮經未識兵年來世故總忘情棲遲豈謂逢衰
世治忽何嘗屬腐生夜月賦詩嚴武幕春風醉酒亞
夫營自慚疎濶元無補那得微言協太平

清明日陪王同僉遊馬跡山

馬跡山中雨乍晴鴈門灣裏水初生山川易主何多

難花鳥於人尚有情四海風塵均造化幾家歌舞過
清明春風吹上籃輿去戲逐元戎小隊行

次韻焦漢章胡景仁見貽之什

屢經患難思逃世未有文章辱薦賢荒艸夕陽多戰
鼓落花春水失漁船黍離滿地空懷古萍泛無家亦
任天猶幸晉人風度在相逢不肯廢詩篇

過千山谷孫果育先生見示之韻

傾尊屢聽燈前雨揮麈長懷坐上風飯顆獨憐工部
瘦溧陽應念孟郊窮黃塵世事悲歌裏白髮光陰醉

夢中猶幸千山青在眼扁舟來往趁飛鴻

寄馬敬常冠軍

憶昨吳門八月樓將軍對客最風流青黃竹簡分詩韻紅白花枝計酒籌柳暗新營嚴武備菊殘荒徑賦歸休春來又動江湖興準擬追尋話舊遊

辛丑七月一日寓橫溪觀迎引大士經會酷

暑鬱蒸廣庭露坐忽晚雲送雨神氣始蘇

唐元度有詩見似目口占以復

赤日黃埃蒸酷暑澹雲疎雨薦清秋三江海近新潮

上七月天空大火流晉代有人皆曠達周南底事獨淹留此行已訂尊鱸約何待須乘雪夜舟

次答海慧上人見寄韻

海慧寺前官柳樹當年曾挽繫船枝一從勝地經烽火無復叢林見禮儀雲冷沙汀鷗夢遠月明華表鶴聲悲孤舟尚有殘僧在頭白滄浪把釣絲

漫成用楊廉夫韻

歲月驅馳坐白頭已將心事付東流百年南國無遺老千古東陵只故侯丘壑忘形覽羞鏡風塵滿眼倦

登樓故人往，情懷在不廢。山陰雪夜舟。

寄鄉人魯道原贊府

七里灘頭野燐收，鄉關隔絕夢魂同。由來王伯興衰際，總在春秋筆削中。蘭佩無時懷遠渚，荷衣終古耐秋風。相期共載華亭月，歸訪雙臺把釣翁。

懷澄江鄧毅夫帥叅

鄧子清才意氣多，承平風物飽經過。談兵夜入青油幕，載酒春鳴白玉珂。客路情懷仍曠達，鄉關歸計尚蹉跎。春來應夢池生草，遲我西牕剪燭歌。

寄馬文璧徵士

畫得名

有客寄家胥浦上，放懷詩酒四時春。輞川蕭散王摩詰，谷口優游鄭子真。夢裏江花生綵筆，醉來山雨墊烏巾。因君寫出蓬萊路，喚起江湖老病身。

簡崑山慧明極上人

善詩文隸古

不見高人兩載過，望中樓觀碧嵯峨。中原小篆黃龍刻，西域靈書白馬馱。我輩襟懷於世薄，禪家風度託詩多。三江流水春還綠，擬放輕舟入薜蘿。

答馬敬常冠軍見寄韻

南越將軍思不羣東吳詩壘薄層雲魯連既出攘秦
策司馬寧無難蜀文天地洪荒千古在山河形勝幾
回分英雄自昔生哀世韜略于今已屬君

答張孟庸見寄韻

雲邊城郭是蘇州一擢翰君汗漫遊麋鹿臺荒山不
改鷗夷江在水空流青藜仙杖應相訪紫錦奚囊莫
漫投遲莫行藏君識我端居豈是傲王侯

孫長慶小山招隱

陸機山下小衡門晉代風流此獨存世亂有誰招隱

士草生何處覓王孫上京冠蓋遙相望陋巷簞瓢頗
自尊獨許野人分坐席時時握手到羲軒

曹幼文遺安室

家有襄陽耆舊傳經時幽事頗相關求田問舍中年
後望水尋山夕照間白日戰塵飛不到滄江鷗鳥去
仍還鹿門此去幾千里遺跡依稀尚可攀

錢思復寓泖濱見荷花憶西湖遊賞有詩述

感書以求和步韻復命

每愛西湖六月涼水花風動画船香碧甯行酒從容

醉紅錦游帷次第張
月殿承恩露沆瀣
星槎流影下陂塘
江南秋冷紅衣冷
落離立西風舊恨長

再和

吳山風物久荒涼
十里紅蕖失舊香
貝闕珠宮渾寂
寞
弓腰冷袖亦更張
馮夷鼓罷風生渚
太乙舟迷月暗塘
異縣相思正愁絕
一聲羌笛楚天長

七夕次思復韻

乞巧詩人白苧袍
剖瓜宮女寶鸞刀
銀河浩渺終難測
粉席橫陳亦漫勞
節物因人傳習俗
經星何事有

遊教貧家用拙還依舊
犢鼻仍將古錦韜

再和

梧風浙、振締袍
又見溪閨試剪刀
時俗濫希天上巧
仙家應厭世間勞
那能高會如秦女
安得良優學楚教
此夕相看對吟壘
敢揮白羽奇韜

癸卯元日與南金感舊而作

二十年前新歲日
與君剪燭鬪新詩
春迎北斗魁三象
詞唱東風第一枝
共喜古存心似鐵
不嫌身老鬢成絲
柈花重為斯文頌
拍塞陽和入酒卮

張孟膚過余故里有詩寫曹雲翁西園景物
不覺起余舊感向來文物荒蕪殆盡前輩
典刑邈不可見行樂之地間存遺跡長厚
之習則掃地矣不能已於言也

故里依倚綠野堂軒窗面々俯滄浪長林接地陰如
染遠岫當門翠欲翔石井銅鋪琪樹老雲階月砌蘚
花粧煩君袖裏如椽筆寫入堅珉與記將

青龍任氏母貞節堂

龍江喬木映江波清白名門世不磨孝子善藏諷艸

什族人爭誦栢舟歌天寒翠袖愁何在春暖斑衣樂
更多已喜年來慈竹長孫枝漸滿鳳皇坡

楊廉夫受吳門賓館諸公餽餉為詩自述且

求友朋屬和次韻答之

甘露英華生間世文星光彩動南天公孫館下無虛
士揚子亭中半列仙二月煙雲詩入画百花洲渚酒
如泉諸賢能致先生饌應取侯鯖手入自編

甲辰元日次成元章韻

經年高臥似袁安忽報新春起正冠門寫桃符寧却

鬼盤行麪繭漫探官幾家夢艸催詩句何處生花上
筆端白髮不禁春色惱東風莫作故人看

早春過曹雲西翁舊園

曹園花木又經春舊客重來感慨頻先輩風流如隔
世承平典故屬畸人唾壺塵尾何時設冷袖弓腰幾
度新老眼看花重回首天涯無處不風塵

次錢思復寒食懷錢塘韻

夢裏錢塘鎖暮煙鶯花不是舊山川露涼古殿銅盤
折月到荒臺錦樹圓綿上空存寒食節長安無復麗

人天相看莫說承平事頭白傷心海變田

送勤無逸上人乳後歸西湖復業

海內年來尚阻兵叢林諸老亦凋零虎溪橋斷山靈
去鷺嶺雲荒野燐青石蘚不侵詩壁字天花應待講
臺經勤公歸去開樓閣歷々諸天擁翠屏

丁未元旦和夏頤貞韻

守歲爐邊燭影搖門前賀客笑相邀謾將詩句題桃
板便覺風光襲柳條時事總開良史筆曉班誰續侍
中貂老夫無復承平夢驚見春回北斗杓

曲江居士以險韻與倪雲林論方外事和者
閣筆余適自外歸持來求正戲為下一轉

語

續得曹溪第幾燈曲牀趺坐敢橫肱庭前擊竹知童子
海上留衣記老僧花落空中多似雨瀑懸岩上直
如繩若能問答無生話別有玄機最上乘

次元博弟初度自壽韻

君似陶潛早覺非我如李廣老尤奇稔聞桑海風波
惡始信桃源歲月遲夢寐不忘重慶日笑談寧似太

平時相看共識浮生理造化真如一小兒

和楊鐵崖曹園感懷韻

曹氏家園百歲餘承平遺跡久湮蕪路埋銅爵西陵
瓦壁暗襄陽海岳圖春雨荒池花濺淚夕陽喬木鳥
呼雛凌虛臺上論興廢千古雄文屬老蘇

宗上人芝山小隱

翠微深處遠公家不與塵寰共歲華寶樹七重環淨
宇靈芝五色散天葩簷鈴響答頻伽鳥塵尾香飄簷
蔔花獨許杖藜携酒客時來分席岸烏紗

俞子昭見寄舊懷新感藹然言意之表次韵
奉酬

愁坐牽衣拂劍霜悲歌撫掌按伊涼塵中白日驅人
老雲外青山引興長詩句近傳何遜好酒徒還放鬪
生狂羨君高隱東林下菴画圍屏面々張

用曹新民韵感曹雲西翁園中老梅

夜來夢入羅浮路解珮依佈見洛妃荒州寺間埋玉
樹冷雲猶解護苔衣空懷吹笛花前醉無復觀燈月
下歸老子風流總陳迹只留遺恨滿斜暉

歲晚訪陳景曾于金澤几間有新詩信筆和
韵以述會合

茫茫歧路失東西冉冉緇塵翳客衣春雨滄江鷗識
侶秋風華表鶴思歸殘生同藥迷仙島某水投竿感
舊磯歲晚逢君如夢寐相看共喜姓名微

次韵吳野舟見寄

玄鶴归来世事訛白鷗盟冷困滄波山河錦繡今誰
識闕塞荆榛莫浪過四序光陰歡樂少百年身世別
離多老來不奈親情絕時復漫々起夜歌

新春和徐澹然處士韵

青年有脚春如梦，綠髮無情雪作堆。世故紛紛催我老，愁懷拍塞向誰開。艸荒金谷花無主，日落烏衣燕不來。待得東風到丘壑，尚堪扶醉一登臺。

俞遂良有游九山之約，借韵促之。

千里漸成荒艸地，九山仍在亂雲堆。孤村新歲春猶淺，窮巷兼旬雨不開。老我尚堪携酒共，知君欲約故人來。時危會面應難得，放浪須登百尺臺。

奉酬夏時可文學早春之韵

春從雪後試初晴，客在雲間憶故城。賣藥仙人聲價重，種桃隱者去留輕。蟻杯餞蠟驚新味，鳳曆催年感舊情。猶幸與君同晦跡，殘山剩水尚堪行。

澹然時可遂良三君子皆有春遊之興，借韵

訂之

間闕水鳥報新晴，拭目春生海上城。好景盡從愁裏過，賞心猶向老來輕。百年往事如兒戲，千古東風不世情。長憶杜陵經喪亂，曲江春色尚潛行。

贈嘉定普福宮秦東海高士

東華外史繼玄風普福仙源屬正宗筆底丹書呼白
鶴匣中星劍閔蒼龍瑤壇功行三千數閬苑煙霞幾
萬重有約同遊尋大藥明年先上大茅峰

送陸伯翔翁往金陵授業侯門

鳳凰臺上春風起鸚鵡洲邊暮景斜四海車書今復
混六朝文物尚堪嗟深衣雪鬢絃歌老列鼎宮壺袞
繡家回首故園如隔世身閒不必問生涯

贈理即中上人禪學之外尤明丹法

中年好道嗟何及方外論交夙有緣白日堂中唯應

世青山往負談玄已期入社從彭澤豈謂逢僧似

紫賢南派薛道光借我林間松麈尾相看儘可答詩

禪

九日橫溪客舍

晚節追思往事艱老來未得此心閒欲題紅葉無佳
句相對黃花只強顏出處幸同衰艸木登臨不媿舊
江山酒杯還似當年綠忘却風前兩鬢斑

賦同門友葉子澄春星堂

君家住近白榆鄉依約風林左氏莊處士隱居春入

畫賢人聚處夜生光
乘槎泛渚仙風迴
燒燭張筵飲興長
底事同門少年子
老來潤絕類參商

又賦子澄雪篷軒

歲晚瑤花滿太虛
翩然蓑笠混樵漁
浮家直到空明際
問路重尋混沌初
巖瀨客星應黯淡
山陰人跡久蕭疎
老夫亦有孤舟在
擬約凌寒共釣魚

甲寅至日在橫泖客舍憶存沒二子

長在穎上幼沒

梁濠

父子睽離骨肉寒
每逢時序輒辛酸
濠梁逝水聲嗚咽

箕穎荒原路杳漫
家廟蒸嘗難備禮
客鄉寢食敢求安
海隅兩度逢南至
坐對梅花強自寬

和錢思復過真淨旭公房所作

短褐長鐙隱士風
蒼顏白髮瑩雙瞳
池邊駐馬邀山簡
月下登樓約庾公
縱酒放歌聊玩世
尋僧問語且談空
十年同在風塵際
幾見春雷鼓壤蟲

秋日過佘山

幾年不到九山中
今日扁舟興尚濃
乳後人煙俱落
落歲寒林木尚重
追尋故舊皆新鬼
曾見興衰是

老農我欲卜居愁險絕老來登陟窘龍鍾

答胡克溫惠藤枕

廣州高枕織花藤黑白縱橫疊浪層繡褥錦屏寧肯
汗蒲團紙帳實相應書藏墨子誰曾識夢見周公我
未能便欲東山學高卧不堪華髮久鬢鬢

又鐵冠

高人鑄鐵作儒冠雅製由來出杏壇剛氣未輸逢子
掛鏗鳴政合貢公彈山林服飾猶多誤霜雪頭顱却
耐寒野老初非真御史有時怒髮也相干

感橘

伊昔洞庭風景好滿林秋色類春光后皇嘉樹深培
植巴蜀仙翁久遁藏晉帖持書霜未降吳姬解道手
猶香踰淮不奈多為枳應望江南憶故鄉

黃岡賈彥德碧梧軒

百尺青桐覆短牆重門車蓋翠陰涼北平甲第停鸞
鵠東日高崗起鳳凰風度綺牕春弄影露浮金井夜
生香練衣塵尾蒼苔磴遲子清談送夕陽

賦鄆士梅隱

萬玉林中一草廬市聲不到此幽居孤山處士曾通
譜秦隴行人獨寄書瓦甕酒香春動後石橋屐冷雪
晴初高情迴出紅塵表不比桃源禮法疎

蟻術詩選卷之六

蟻術詩選卷之七

元雲間邵復孺著

明新都汪 稷校

七言絕句

見梅懷錢南金

東風吹鬢酒消了拄杖看花又一年怪底江淹容易
老幾回南浦送春船

早春駕湖夜泊

燒燈過了閒門靜踏月歸來宿酒香何處高樓夜吹

笛曲中桃葉斷人腸

晚晴二首

槿籬疎處夕陽明
簾捲薰風溽氣清
竹簟半閒書帙
亂倒歌鳥葛看新晴
濯濯南風入芡衣
門前江色映書闈
浮雲卷盡天連
水兩個鷓鴣上下飛

小鬟以墨海棠為名友人張子正為之畫以

求題

嬌枝小小出簾櫳
賜浴華清淨洗紅
一自金鑾供奉

後夢魂長在研池中

七夕日孫果育丈席上有詩首句約坐客各

續卒章為賦如左

白髮年々逢七夕
青天夜々見雙星
客樓亦有當時
月却照誰家戲綵庭

題演上人畫蘭

空山楚雨夜涼々
一硯春雲起碧牕
却憶扁舟載離
思暖風容與渡湘江

題危鍊師春溪小泛画

春樹扶疎水接天紅塵不識此山川風流二老衣冠
古多是山陰道士船

題黃一峯畫扇

南州丘壑無今古東晉衣冠久陸沉便欲相從二三
子滿船載酒劇論心

陪曹雲西翁携妓泛荷舟中次韻

藥宮仙子倩霞粧太乙真人白苧裳獨欠湘靈來鼓
瑟冰絃歷々按清商

紅藕溪頭白玉磯画船載客憺忘歸仙姝散得天花

亂不散飛來著羽衣

明日曹安雅翁約席上諸公再放蓮塘席間

次韻

老魚吹浪起層瀾六月陂塘特地寒花底画船人似
玉忘機鷗鷺亦貪看

花間玉露夜生香淨洗冰肌不受粧三十六陂還有
約定携羽扇看新涼

次韻荅衛立禮元旦之作

鬢底新霜白未真情懷已似老來人春風獨自無崖

岸委曲相尋白氎巾

桃源画卷

人間不識武陵春
獨有漁郎認得真
只作曲江風景
看殘山剩水尚精神

松竹卷子

華頂蒼寒松五粒
渭川風度竹千竿
長安陌上看花
客不信山中有歲寒

雪山便面

山中茆屋四時好
雪裏開門心眼明
小童沽得前村

酒須著溪翁相對傾

春日
和錢南金韻

溪上東風散草芽
去年曾此共看花
至今留得行春
屐猶帶西園徑裏沙

次答汪子翼進士嘗為采石山長三衢學正

采石官醪琥珀黃
柯山玄壁照人光
芸香閣上無塵
事鄭老詩成醉欲狂

同曹雲西翁泛舟過干山

松篁兩行遶溪灣
一舸逍遙任往還
藜杖幅巾林下

去野人疑是古商山
弭棹溪邊問老漁
雨中歸路晚模糊
九峯三泖人家
外
髣髴煙江疊嶂圖

賦孫果育丈千山小隱

清宵分榻聽疎鐘
白日看山倚瘦筇
想見幅巾蕭散
處
層々樓閣萬株松

壇上藥鑪時進水
佛前燈火夜然酥
儋州老子前身
在不比尋常醉道圖

即景

一秋兵革競紛紛
山下人家晝掩門
昨夜南鄰雞犬
鬧
又傳吏過石壕邨

次張漫亭遣興四首

滿壁鑽書嫌脉望
巡簷設網厭蟪蛄
悟來物理如人
事
準擬綠樽結小巢

僧舍看雲歌歎乃
漁鄉對月舞婆娑
山中任久忘塵
世
不道桑田變海多

南渡承平無復見
中原喪亂又重看
白頭父老談興
廢
曾識漢宮承露盤

身到天河惟博望功成漢室有淮陰一時凜々英雄
氣千載寥寥去住心

從軍過太湖上梅花正開與顧允中趙君式

登山縱步和韻三首

銅坑山下野人家信步看梅石迳斜二月江南春寂
寞東風不管路傷花

曾到咸平處士家幾番花壓帽簷斜如今老眼風塵
際不敢分明看此花

春光欲動客辭家戰艦縱橫破浪斜范蠡湖邊重回

首五陵不是舊時花

挑菜美人圖

記得行春出灞橋蹋青挑菜總嬌嬌如今老眼看圖
畫翠袖鴛鴦久寂寥

和錢思復春日口號

二月江南白霧昏人家日々候晴暎疎林敗屋春無
主燕子歸來若箇村

已亥二月晦日寒食無錫東屯舟中漫成

薺麥青青殘柳黃兵餘無處不村荒惠山南畔逢寒

食回首松楸路杳茫

客樓春日

東風吹夢到溪頭
溪樹依依綠水流
斜日小橋扶醉
客遠煙芳艸釣魚舟

西湖小景扇

畫橋歷歷樹斑斑
蘇小紅樓紫翠間
烟月不知人事
改夜深猶自照湖山

香雲室

牕前嵐氣博山爐
壁上晴光海嶽圖
一夜梅花橫紙

帳暖風吹夢遶蓬壺

題曹元博壁間馬文壁小画

巖谷幽閒雨露深
翠煙長護讀書林
春風長養承平
樹期爾菟裘歲晏心

題項鍊師山房倪元鎮小画

空同山下無名樹
秀葉飄飄翳翠霞
移向玄都壇上
種春花開遍玉皇家

題夏頤貞所藏王肴叟真人馬遠溪月堂卷

憶過餘不音浮玉塵
山開玄堂下水潺
只今惟見溪

月頭白鶴冲天不可攀

題扇寄鄒君顯

浣花溪上堂依竹采石沙頭月滿船
鱸蟹熟時秋正好放歌載酒白雲邊

君顯答賦再韻以寄

情到漫題秋後扇興來欲放雪中船
三江近信丹楓外一夜相思白鴈邊

一峯道人畫九山雪齋

大雪漫空暗九山晉人遺跡杳難攀
老仙只在扶桑

外借得瑤京鶴駕還

題墨竹

江村蠶老柳花香楚々新梢出短墻
却憶黃陵廟前過澹雲疎雨映瀟湘

李雲山畫秋林晚步

疊々青山黃葉村夕陽喬木幾家存
幽人占得前溪住不是桃源定鹿門

梨花十二紅

雨過東闌澹蕩晴飛來和恨寂無聲
宣和殿下清明

後曾見花間見太平

夏士安家董元小寒林

徂徠山頂千年樹曾及承平
雨露思幾度長空飛霹
靂鬼神猶解護靈根

辛亥中秋橫溪菴客牕對月口號
時長子在 穎幼子在

濠皆無 見期

客牕孤坐過中秋病骨支離雪滿頭
潁水濠梁千里外一方明月照三州

桃花五色子

灼灼繁紅錦不如東風依約舊玄都
劉郎老大無心賞付與春巢五色雛

橫溪晚步

野老無家寄海村荒草秋老失柴門
鱸肥蟹壯無勝侶憶殺家園老瓦盆
經旬不過石橋陰幾夜雨多秋水深
美人迨迨望不及朗歌采芹傷我心

懷野舟客

鴻鴈颯高秋浦涼芙蓉花開紅錦張
去年短蓑携手

凌萬頃黃雲杭稻香

停簫士女圖

花前月底不勝情欲度伊州又不成若見盧郎年少

日等閒吹作鳳皇鳴

息齋李使君自號廣陵醉客其守吳興日郊

行見民家小湖石名蓬花峯玲瓏奇秀求

之弗獲乃画為圖且書其意以識不忘客

有持以求題者

落雪溪頭石一卷廣陵移入画圖傳崑岡烈焰誰能

奪牛李相看亦惘然

杏花宮女

花攢金屋兩嬌嬈依約東吳大小喬莫問中原舊春

色西陵煙樹正蕭蕭

柳陰宮女

御柳娉婷拂畫闌當時浪說楚腰彎君王莫遣兒家

學千古天生只小蠻

牡丹士女

國色明粧映綺䟽畫閒隨意踏庭蕪洛陽春事今黃

土忍看承平士女圖

簷蔔士女

綠牕睡起晝遲、簷蔔香風透玉肌却憶芳園春夜
飲花前微醉絕纓時

秋懷故溪

三泖西來花滿園衣冠人物小桃源風流王謝今陳迹
燕子飛來只斷魂
江上秋風吹客衣芙蓉花老客思歸荒煙亂艸斜陽
外夢遠前村舊釣磯

元日試筆

賀年鄰巷雨初乾把筆書牕墨尚寒忽見東風到門
外似將春意入毫端
茅簷春色年年在蓬鬢霜華日日新世亂敢論生計
事身閒猶是太平民

上巳日泊舟崑山縣城北十里顧墓田家風
暄日麗野花亂開邂逅父老為設尊俎相
率縱步春興橫生乃為短述以紀所見

崑山城北路漫漫芳草連天雨乍乾柳綠花紅寒食

近春光不在故園看
廢宅荒池鎖碧苔
桃花無主為誰開
舊時燕子知人事
飛過雕簷竟不來
蠶豆花明遠路香
雞桑葉暗翠陰涼
相逢野老留雞黍
尚覺芳郊引興長
吳女傷春晝掩扉
猶將膏沐媚春暉
逢人自把金錢卜
不信征人竟不歸

曹園看梅

西園玉樹老風煙
離立盈、不記年
昨夜東君又披

拂疎枝冷蕊亦嬋娟
揚州紅萼舊風流
東閣何郎昔俊遊
羌管數聲春拍塞
移宮換羽不勝愁

石橋流水夜涓涓
時度寒香逐澗泉
月落參橫疎影亂
羅浮春夢遶窗前

貞溪初夏次南金韻

雨後林深竹筍肥
渡頭風急柳花飛
柴門不掩綠陰靜
人在閒窗試苧衣
巡簷燕子掠晴絲
隔塢茶烟出院遲
艸色入簾人不

到午風吹暖夢回時
棟花風起漾微波野渡舟橫客自過沙上兒童臨水
立戲將萍葉飼黃鵝
小巷縑車霜繭熟前村社鼓野人來鷓鴣聲在樹陰
裏竹下柴扉晝不開

蟻術詩選卷之七

蟻術詩選卷之八

元雲間卽復孺著

明新都汪稷校

會合聯句

至正改元余寓虎林三閱月南金授業茶院
孟冬余歸而南金亦還溪上夜坐縱談念
不可無述以紀此會四十韻

夕別情懷在復重逢意氣添窮途仍遠役南吾道豈
終潛遲暮身何補復艱危首尚黔客情鄉態別南人

事物華兼豹隱曾誰見復雞羣適自淹故交深閱

南高誼薄問閭歲晚詩無恙復更遙夢屢瞻盍簪長

此地南剪燭近前簷近况俱相問復幽期已素占真

成談疊南更復坐禱南弱冠交游早復通家學問

漸訂頑唯汝益南知己不吾嫌春浦隨風鷁復秋堂

滴露蟬楚蘭愁共擷南湘管醉重拈村市魚蝦美復

盤餐筍蕨甜望雲歌白紵南跼月認青帘靜賞花當

戶復微吟艸入簾平煙孤野濶南落日九山尖竹影

棋枰潤復苔痕屐齒黏風流元不算南文采頓能收

芸業猶生計復瓜田僅養恬索居期自奮南微祿覲

同霑俗薄輕遺佚復時清媿孝廉每驚巢幕燕南殊

比上竿鮎屈賈時多忌復商韓世不厭固窮君子拙

南競進小人儉璞玉甘深韞復鉛刀苦較銛淳風難

返古南澆態日趨炎汨汨知何益復蕪南獨好謙富

應同土苴南貧不厭齏鹽暴白心如鐵復雌黃口莫

籍妙年咸仕版南長晝只書幃坐欲彈冠起復耕期

束帛規壯懷從曠達南短髮任髻鬢未屬麒麟画復

恒韜虎豹鈴淹留頻撫髀南慷慨亦掀髯但得襟期

在復何憂歲月殲匆々投井轄南忍々報郵籤江海
無忘險復冰霜已戒嚴詩篇相砥礪南友愛辱鍼砭
復

編校遂生亭聯句有序

惟昔有元後至元二年歲丙子十有一月
冰霜沍寒信宿不解晚雲漏日朔吹凜々
殆不能任雲間貞溪曹貞素翁設酒肴會
親友於其家之遂生亭燎以楫拙沃以醅
醅脯羞循序以進少烏衆始睥面盍背歡

情甫洽翁乃呼童出楮札率客聯詩為樂
而命余呵凍執筆以書於是意况咸適情
文藹如迨夜分酒闌凡得句百有廿而章
乃成此吾鄉疇昔清事之一也翁於予為
外族從祖有老僧曰自聞熏師翁之從弟
也安雅翁洎弟世長皆曹氏於予為外族
諸父錢南金陵伯翔伯弘皆外姪也主賓
凡八人後此卅餘年諸老相繼淪沒存者
惟伯翔及予亦皆年踰耳順垂白昏菴中

經干戈屢變世道衰微二翁故居悉蕩為
丘隴求其遺跡亦復蒼莽雖流涕痛哭莫
及矣洪武己酉冬偶與元博弟話舊及此
而博乃能襲藏舊藁展卷瞭然如昨日事
不啻對諸老於几席間也然曩者所作一
時得句輒寫意度先後因計倫叙此於詩
法為不合博乃留藁求余銓整庚戌歲冬
杪齋居聽雨乃為校正而編次之中復有
所取舍於是文從字順而意趣斯足遂手

書二通其一併元藁歸之元博其一留吾
齋以供暮年觀感為承平嘉話且俾予兩
家子弟知鄉之先輩風流文采若此吁物
換人非斯文掃地後之人非特不能繼前
修風度亦將不能知而言之矣可勝歎哉
庚戌距丙子為卅五寒暑云是年臘未盡
五日小溪吟屋書

深冬鼓大籟極寒抑新陽貞素凍痕固封坼暝色浮
穹蒼南金斜暉射屋壁嚴飈襲衣裳世長氣候迥昕

夕景物惟冰霜伯翔幽居絕蕭散喬木相低昂自聞

長林展畫圖疎松奏笙簧伯弘經時歲云暮撫事心

亦傷復孺朋來温重席眾喜累十觴安雅窓梅弄疎

影盤蠟搖寒光翔竹鑪捐柶火栢子氤氳香聞豆籩

既無算肴核復屢將弘野馘雜鷄雉溪腴間鱖鱠長

翠嬰玉蛆凍犀筋紅肉僵雅偉哉青雲彦會此白石

房南盍簪意已洽得酒氣益強弘世道久澆薄古意

殊荒涼復真情悅親戚嘉會非尋常素高才貴瑚璉

妙語鏘琳琅南太原與五姓燕山尊十郎翔阿翁正

矍鑠我輩俱頽頽長宗族互有託禮貌詎可量雅舟

車遠無間雞犬遥相望聞九世同安居百年有餘慶

復兒孫等鱗次兄弟列雁行素賴有北道阮况得共

被姜雅鳩杖祝勿咽兕觥介無疆翔晨昏足甘旨歲

時謹烝嘗雅臭味亡薰蕕優劣何靴糠聞躬勤樂耕

釣志儉忘膏梁弘招隱及巖谷濯纓下滄浪南清風

起竹逕朝陽耀梧岡長歌長擊瓦缶興酣據胡牀素

秋花照籬落春艸生池塘復望重詩禮庭義薄名利

場南學術本鄒魯治化沾虞唐素百兩重聘國千金

戒垂堂翔雄觀局四海壯志馳八荒弘恒鄙貨殖貢

豈羨千祿張雅詞源尚屈宋書法追鍾王長奇材任

榮雅量須汪心胸蘊星斗頭角斬珪璋弘黃

麻珍世賞青檀寶家藏翔松柏抱貞秀蘭蕙含芬芳

長擬儕谷口鄭弗媿商山黃復曳裾或混俗衣錦寧

忘鄉南王掾元不癡麗生乃佯狂復婉孌談論潤輶

轉理義長素會合益膠漆契濶毋參商素笑語寒稍

弛歡樂夜未央南真性本寥廓幻身且徜徉聞聯詩

出雅頌看劍生光芒長焚膏照無寐瀾茗搜枯腸聞

人情嘆失馬世利嗟止羊翔惟茲一餉樂勝彼終日

忙雅所欲論文字初不事酒漿素耆英固難繼真率

或可方復坐醉春滿席起舞月在梁南宿氛息廣漠

晴暎炫扶桑弘分袂重慷慨驅車走康莊雅猗歟紀

宴集斐然成文章復

舟中聯句

洪武庚戌臘月八日余與嚴陵邵復孺先

輩自雲間之澄江蚤發向吳門挂席波上

甚適也因相率聯詩以攄客懷日夕過蘇

臺窮其韻而成章凡得句百有廿興之所
至因計工拙江空歲晚孰知吾二人清苦
若是哉諒天地必有同其情者隴右邾經
仲誼識

歲晏冰雪稀天空水雲濶扁舟戒行李
即遠道舍祖
輒度泖凌鷗波邾橫江蕩魚沫晴曛弄
熹微
明霞
入瀝蕩村迷辨煙樹
朱林響聽風拚連隄半隳墮
亂石互排拶感茲物色睽
朱疑若鬼神奪蕭疎見古
寺
名狼籍遺壞闢替戾塔語鈴
朱迦趺堂散盃誰將

拂盤陀
名我欲叩菩薩了知空即幻
朱奚謂悟始達
觸景人事非
名經途客心怛憶昔兵構患
朱念此民
苟活流離且無家
名癡癡仍有筭虎寧泰山畏
朱雞
豈武城割待旦苦漫
名書空愁吐
旋瞻太平治
朱遂及阨運豁造化終含情
名生聚母蹙頰夏鼎燭
神姦
朱秦鏡走妖魃吾徒恒汨沒
名斯世暫超脫侯
門斂長裾
朱忙里混短褐棲遲甘海馭
名飛騰阻天
末企望麻姑鵬
朱悵閔李斯獨禍福信倚伏
名貧賤
逃天闕虛名自成累
朱逸氣孰可遏頻年頗好道
名

長日頓忘渴琴心舞胎仙朱筆陳馳叱撥幽蘭紉佩
纒名芳艸結屨鞞瓦彝香屑沉朱甕斗松蟠枯衡茅
讓山藻名團蒲勝罽毼芸編飽齧蟲朱槎梁漏羣獺
野鳥資笑歌名林烟供巧掇晞髮傲三沐朱充腹儲
七糲荷風揮白團名桂月整緇撮掃華坐裴回朱問
竹行跋屐衣防棘籬鉤名履慮蘇磴遶樵漁從往還
朱鄰里謝喧聒童沽醜持券名客醉狂褫襪卒歲每
怡愉朱安時靡乖刺徒步猶履躑名清談已囊括惇
領固可探朱猛鬚慎毋捋逍遙憚拘檢名老醜倦塗
沫涸鮒肯貪餌朱罷驥耻受秣澹然忘戚忻名展也
釋嗔喝谿翁故相能朱隴士今有佗及蔑繼邾盟名
剪棠思名芟北征唐爾愧朱南音楚誰捷湯歌車遙
遙名何歎流活名周道尚逶遲朱吳臺空截薛五湖
悄陶朱名八陣失諸葛載陽麋縱遊朱無詠狼臆跋
舊夢已銷沉名清氛尚輟轉顏跖悲蒙莊朱昇晷嗟
魯适君子懷游從名城闕記挑達斯辰當臘蜡朱于
夕叫寒鵠嚴飈轉帆席名斜暉在篷笈既空鳧鴈聚
朱徒詠鱣鮪鯨心驚玄冥返名目佇青陽潑願同松

柏貞朱不改薑桂辣搔首一長吟
名乾坤莽回幹朱

蟻術詩選卷之八



程